

HEBREOS

*Marĩpu ĩgũ magũ Jesucristo merã weredeamarẽ
gojadea*

¹ Iripoegue Marĩpu ĩgũya kerere weredupiyunerã merã marĩ ñekũsãmarãrẽ werenugãdi ããrĩmĩ. Yoaripoe wári ĩgũ turari merã iri ĩmurĩ, ĩgũ weredoreri, kẽrõgue ĩmurĩ merã ĩgũsãrẽ ĩgũyare masĩmakũ iridi ããrĩmĩ.

² Dapagorare i mũmu pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩpu ĩgũ magũ merã i mũmurẽ iridi ããrĩmĩ, ããrĩpereri ĩgũ gããmerõsũta ããrĩburo, ãrĩgũ. Irire iriburo dupiyuro ĩgũ magũrẽ pídi ããrĩmĩ, iri ããrĩpererire opabure.

³ Jesucristo, Marĩpu gosesiririre opagu, turatarigu, õãtarigu, Marĩpu ããrĩrikurire opagu ããrĩmi. ĩgũ turaro doreri merã ããrĩpereri i mũmumarẽ ããrĩnikõãmakũ yámi. Marĩ ñerõ iridea wajare tau odo, paru mũmugasigue Marĩpu turatarigu diaye gapu eja doadi ããrĩmĩ, ããrĩpererãrẽ doregu ããrĩbu.

*Marĩpu magũ, Marĩpure wereboerã nemorõ
turagu ããrĩmi, ãrĩ gojadea*

⁴ Irasirigu Marĩpu magũ Jesucristo, Marĩpure wereboerã nemorõ turagu ããrĩmi. Marĩpu ĩgũrẽ: “Maku, mu yu magũ ããrã”, ãrĩdi ããrĩmĩ. Ángeles gapure: “Yure wereboerã ããrã”, ãrĩdi ããrĩmĩ.

⁵ ĩgũ magũrẽ ãsũ ãrĩdi ããrĩmĩ:

Y_u magũ ããrã m_u. Dapagã merã m_u, y_u magũ
ããrĩrĩrẽ masakare masĩmakũ yãa, ãrĩdi
ããrĩmĩ.✠

Neõ sug_u ĩgũrẽ wereboeg_ure irasũ ãrĩbiridi ããrĩmĩ.
Ĩgũ magũyamarẽ ãsũ ãrĩdi ããrĩmĩ doja:

Y_u, ĩgũ pag_u ããrã. ĩgũ, y_u magũ ããrĩmĩ, ãrĩdi ããrĩmĩ.✠

Neõ sug_u ĩgũrẽ wereboeg_ure irasũ ããrĩbiridi ããrĩmĩ.

⁶ ĩgũ magũrẽ sug_u ããrĩgũrẽ i ãm_ugue iriug_u, ãsũ
gap_u ãrĩdi ããrĩmĩ:

Ããrĩpererã y_ure wereboerã, y_u magũrẽ ejamejã,
b_uremuburo, ãrĩdi ããrĩmĩ.✠

⁷ ĩgũrẽ wereboerãyamarẽ ãsũ ãrĩdi ããrĩmĩ:

Y_ure wereboerãrẽ mirũ wějãpu taurosũ, peame
ũjũrĩ pũrã irirosũ waamakũ yãa, ãrĩdi
ããrĩmĩ.✠

⁸ ĩgũ magũ gap_ure ãsũ ãrĩdi ããrĩmĩ:

M_u ããrĩpererã Op_u ããrĩngũ ããrã. M_uyarãrẽ diayeta
dorea.

⁹ Diayema iririre gããmea. Ñerõ iririre dooa. Irasir-
imakũ ĩãgũ, y_u m_up_u m_urẽ ããrĩpererã Op_u
ããrĩbure beyeb_u.

Irasirig_u m_urẽ ããrĩpererã m_u merãmarã nemorõ
ũsuyari merã ããrĩmakũ irib_u, ãrĩdi ããrĩmĩ.✠

¹⁰ Idere ãrĩdi ããrĩmĩ Marĩp_u ĩgũ magũrẽ:

M_u ããrĩpererã Op_u, neõgoragueta i nikũ,
ãm_ugasidere irib_u.

¹¹ Gajipoe i ãm_u m_u iridea pereakõãrokoa. M_u gap_u
ããrĩnikõãg_ukoa. ããrĩpereri m_u iridea gap_u
surĩro boarosũ, boapereakõãrokoa.

✠ 1:5 Sal 2.7 ✠ 1:5 2 S 7.14; 1 Cr 17.13 ✠ 1:6 Dt 32.43 ✠ 1:7
Sal 104.4 ✠ 1:9 Sal 45.6-7

12 Irasirigũ suríro bũgũñerẽ túwea béo, gajiñe maamañe gorawayurosũ, ããrĩpereri õãrĩ ditare gorawayugũkoa. Mũ gapũ neõ gorawayubirikoa. Murãrõta ããrĩnikõãgũkoa, ãrĩdi ããrĩmí.✧

13 Irasirigũ ãgũ magũrẽ ãsũ ãrĩdi ããrĩmí doja: Yũ diaye gapũ doaka! Mũ doaripoe murẽ ãaturĩrãrẽ mũ dorerire neõ tarinũgãnemobirimakũ irigũra, ãrĩdi ããrĩmí.✧

Ãgũrẽ wereboerã gapũre neõ irasũ ãrĩbiridi ããrĩmí.

14 ããrĩpererã Marĩpũre wereboerã deyomarĩrã, ãgũrẽ moãboerã ããrĩma. Marĩpũ Jesucristo taurãrẽ iritamudoregũ ãgũsãrẽ iriumi.

2

Marĩpũ ãgũ masakare tauri kerere õãrõ pémakũ gããmemi, ãrĩ gojadea

1 Irasirirã Marĩpũ magũ Jesucristoya kerere marĩ pédeare irasũ gũñanikõãrõ gããmea, ãgũrẽ bũremurĩrẽ piriri, ãrĩrã.

2 Iripoegue Marĩpũ ãgũrẽ wereboerãrẽ ãgũya kerere weredoredi ããrĩmí. Irasirigũ: “Nerõ irirãnorẽ, yũ dorerire tarinũgãrãrẽ wajamoãgũra”, ãrĩderosũta ãgũsãrẽ diayeta wajamoãdi ããrĩmí.

3 Marĩpũ masakare tauri kere õãtaria. Marĩ gapũ irire pémerã, ãgũ wajamoãrĩrẽ tausũbirikoa. Marĩ Opũ Jesucristo iri kerere wererũroridi ããrĩmí. ãgũ weredeare pérã: “Diayeta ããrã”, ãrĩ masĩnerã ããrĩmá. Irasirirã marĩdere wereturiamã, irire masĩburo, ãrĩrã.

⁴ Marĩpũ gaji irinemodi ããrĩmĩ. Iri kerere wererãrẽ ĩgũ turari merã wári iri ĩmurĩrẽ irimakũ iridi ããrĩmĩ. Irasũ ããrĩmakũ ĩgũ gããmederosũta ĩgũsãrẽ wári Ōãgũ deyomarĩgũ iritamurĩ merã irimasĩrĩrẽ sĩdi ããrĩmĩ, iri kerere weremakũ pérã: “Diayeta ããrã”, ãrĩ masĩburo, ãrĩgũ.

Jesucristo, marĩ irirosũ dũpũkũgũ deyoadi ããrĩmĩ, ãrĩ gojadea

⁵ Marĩpũ ĩgũrẽ wereboerãrẽ: “I ãmũ peredero pũrũguere oparã ããrĩrãkoa mũsã”, ãrĩ, neõ píbiridi ããrĩmĩ.

⁶ ĩgũyare weredupiyudi ãsũ gapũ ãrĩ gojadi ããrĩmĩ:

Gũa Opũ, masaka ubu ããrĩrã ããrĩkeremakũ, ¿nasirigu ĩgũsãrẽ gũñarĩ mũ? ĩgũsã boamurã dita ããrĩkeremakũ, ¿nasirigu ĩgũsãrẽ iritamurĩ mũ?

7-8 Yoabiripoegãta ĩgũsãrẽ mũrẽ wereboerã doka ããrĩmakũ iridi ããrĩbũ. Irasirikeregũ, pũrũguere ĩgũsãrẽ oparã sóogũ, mũ turarire sĩbũ, ĩgũsãrẽ ããrĩpereri opaburo, ãrĩgũ, ãrĩ gojadi ããrĩmĩ.✧

Marĩpũ masakare irasũ sĩgũ: “Ããrĩpererire dorerãkuma”, ãrĩ pídi ããrĩmĩ. ĩgũsãrẽ irire píkeremakũ, ããrĩpererire dorebema dapa.

⁹ Marĩ Jesúyama gapũre: “Ããrĩpererã Opũ ããrĩmĩ”, ãrĩ masĩa. Yoabiripoegãta ĩgũdere Marĩpũ ĩgũrẽ wereboerã doka pídi ããrĩmĩ, ããrĩpererãya ããrĩburire boabosabure. Jesús marĩrẽ boabosamakũ, Marĩpũ ĩgũrẽ maĩgũ, õãrõ iritamudi ããrĩmĩ. Irasirigũ ĩgũ boadigue masãdero

✧ 2:7-8 Sal 8.4-6

puru, Marĩpu ĩgũrẽ turarire sĩ, Opu sóodi ããrĩmĩ, ããrĩpererã ĩgũrẽ bũremuburo, ãrĩgũ.

10 Marĩpu ĩgũ gããmederosũta ããrĩpereri i mũmarẽ iridi ããrĩmĩ. ããrĩpereri ĩgũya dita ããrã. ĩgũ pũrã ããrĩpererã mũugasigue ĩgũ ããrĩõgue ĩgũ merã ããrĩmakũ gããmemi. Irasirĩgu ĩgũ magũ Jesúre iri-udi ããrĩmĩ, marĩrẽ ĩgũ ñerõ tariri merã taubure. ĩgũrẽ iriudi ããrĩmĩ, marĩ Opu ããrĩbure, marĩrẽ mũugasigue ãĩmũrĩabure.

11 Jesús marĩrẽ taugu, Marĩpũyarã ããrĩmakũ iridi ããrĩmĩ. Irasirirã marĩ ĩgũyarã ããrĩsĩã, sugu pũrã irirosũ, Jesús marĩ tĩgũ merã Marĩpu pũrã ããrã. Irasirĩgu Jesús marĩrẽ: “Yũ pagupũrã ããrĩma”, ãrĩgũ, neõ gũyasĩrĩbemi.

12 Marĩpũya werenĩrĩ gojadea pũgue Jesús ĩgũ Pagũre weredeare gojasũdero ããrĩbũ. ãsũ ãrĩdi ããrĩmĩ ĩgũrẽ:

Mũ ããrĩrikũrĩre, mũyamarẽ weregũkoa yũ pagupũrãguere. ĩgũsã nerẽnarõgue nerẽmakũ, ĩgũsã merã: “Õãtaria mũ”, ãrĩ bayapeogũkoa mũrẽ, ãrĩdi ããrĩmĩ.*

13 Gaji ãrĩdi ããrĩmĩ doja:

Yũde mũrẽ yũ Opũre bũremunĩkõãgũra.*

Idere ãrĩdi ããrĩmĩ doja:

Õõta ããrã Yũpu pũrã ĩgũ yũre pĩnerã merã, ãrĩdi ããrĩmĩ.*

14 Marĩ, Marĩpu pũrã, dũpũkũrã ããrã. Irasirĩgu Jesúde marĩ irirosũta dũpũkũgu aaridi ããrĩmĩ. ĩgũ curusague boari merã wãtĩrẽ, boarire gũirã opũre tarĩngã béodi ããrĩmĩ.

* 2:12 Sal 22.22 * 2:13 Is 8.17 * 2:13 Is 8.18

15 Jesús ìgürë irasũ tarinugãgũ, marĩ boaburire gũinikõãnerãrë taudi ããrĩmĩ.

16 Āsũ ããrã. Jesucristo Marĩpũre wereboerãrë iritamugũ meta aaridi ããrĩmĩ. Marĩ, Abraham parãmerã gapũre ìgũ Marĩpũre bũremuderosũta bũremurãrë iritamugũ aaridi ããrĩmĩ.

17 Irasirigũ marĩ irirosũta dupũkũgũ aaridi ããrĩmĩ, ìgũ boari merã marĩ ñerĩ iridea wajare wajaribosabu. I merã Marĩpũre: “Waja opamerã ããrĩma”, ãrĩ ìãmakũ iridi ããrĩmĩ. Paĩa opũ marĩya ããrĩburire Marĩpũre sërëbosarosũ, ìgũde marĩrë õãrõ sërëbosami. Irasirigũ marĩrë bopoñarĩ merã ìãgũ marĩrë õãrõ iritamunikõãmi.

18 Wãtĩ ìgürë ñerõ iridoremakũ, Jesús bũro ñerõ tarikeregũ, ìgũ dorerire iribiridi ããrĩmĩ. Irasirigũ wãtĩ marĩdere ñerĩ iridoremakũ ìãgũ, Jesús marĩrë iritamumasĩmi, ñerĩ iribirikõãburo, ãrĩgũ.

3

Jesús, Moisés nemorõ ããrĩmi, ãrĩ gojadea

1 Yaarã, mũsã Marĩpũ beyenerã, ìgũyarã ããrã. Irasirirã Jesucristore: “Bũremua mũrë”, ãrĩnerã ããrĩsĩã, ìgürë õãrõ gũñanikõãka! Marĩpũ ìgürë iriudi ããrĩmĩ, ìgũya kerere werebure, paĩa opũ irirosũ marĩya ããrĩburire sërëbosabure.

2 Marĩpũ ìgürë beyepĩdi ããrĩmĩ irire iribure. Irasirigũ Moisés, Marĩpũ ìgürë: “Āsũ iridoreka yaarãrë!” ãrĩ pídeare õãrõ iriderosũta Jesúde Marĩpũ ìgürë pídea ããrĩpererire õãrõ iridi ããrĩmĩ.

³ Irasirirã Moisére b̄remudero nemorõ Jesús gap̄re b̄remurõ gããmea marĩrẽ. Iri àsũ ããrã. Wiire: “Õãrĩ wii ããrã”, ãrĩ ããrõ nemorõ iri wiire iridi gap̄re: “Õãtarimi”, ãrĩ b̄remurõ gããmea marĩrẽ.

⁴ Masaka gap̄ wii irirã ããrĩma. Marĩp̄ gap̄ ããrĩpereri i ùm̄marẽ iridi ããrĩmí.

⁵ Moisés gap̄ Marĩp̄yarãrẽ doreḡ, ãḡsãrẽ õãrõ iritamudi ããrĩmí. “Ãsũ irika, Marĩp̄re b̄remurã!” ãrĩ weredi ããrĩmí, p̄r̄gue marã Marĩp̄ya kerere pémasĩburo, ãrĩḡ.

⁶ Cristo, Marĩp̄ magũ gap̄ Moisés nemorõ Marĩp̄yarãrẽ õãrõ doreḡ ããrĩmi. Irasirirã marĩ Marĩp̄yarã, gũñaturarire piriro marĩrõ ãḡ tauburire us̄yari merã yúnirã, ãḡya wii marã ããrã.

Marĩp̄ ãḡyarãrẽ ãḡ merã õãrõ siñjãmakũ gããmemi, ãrĩ gojãdea

⁷ Irasiriḡ Õãḡ deyomarĩḡ ire àsũ ãrĩ weredi ããrĩmí, Marĩp̄ya werenĩrĩ gojãdea p̄gue:

Dapagãrẽ m̄sã Op̄ m̄sãrẽ weremakũ, péduamerã irirosũ ããrĩbirikõãka!

⁸ Õãrõ péka ãḡrẽ! Iripoegue Israel bumarãrẽ masaka marĩrõgue ããrĩrãrẽ ãḡ werekeremakũ, ãḡ dorerire tarinugãma. “Marĩrẽ iritamumasĩbirikumi”, ãrĩrã, ãḡrẽ b̄remubirima.

⁹ Irasiriḡ àsũ ãrĩmi: “Iroguere cuarenta bojorigora ȳ turaro merã iririre iri ãmuadibũ ãḡsãrẽ iritamugũ. Ȳ irasirikeremakũ: ‘Ãḡ marĩrẽ iritamumasĩbirikumi’, ãrĩ gũñanama ȳre.

10 Irasirigu ĩgũsã merã gua, ãsũ ãrĩbũ: ‘Yaa gapure neõ gũñatuyabema. Yũ dorerire iridũabema’, ãrĩbũ.

11 Irasirigu ĩgũsã merã guagu, goepeyaro merã ãsũ ãrĩ werebũ: ‘Yũ merã õãrõ siñajãrĩ bokabirikoa mũsã yũre bũremubiri waja’”, ãrĩmi.✠

12 Irasirirã yaarã, õãrõ pemasĩka! Neõ sugũ mũsã watopemu ñerõ gũña, bũremubi ããrĩbirikõãburo. Irasũ ããrĩgũno, Marĩpu ããrĩnĩgũrẽ bẽogũ iribukumi.

13 Æsũ gapũ iriro gããmea. Æmũrikũ mũsã basi Marĩpũyare gãme werenĩka, ñerĩrẽ iriri, ãrĩrã! Dapagã merã Marĩpũya werenĩrĩ gojadesa pũgue dorederosũta gãme werenĩka! “Ñerĩ gapure irirã, usuyãa gũ”, ãrĩ gũñarã, mũsã basita ãrĩkatorã yãa. Ñerĩrẽ irirã, Marĩpu dorerire tarinũgãrãkoa.

14 Cristore bũremunũgãderosũta marĩ okaro bokatĩũrõ bũremunĩkõãrã, ĩgũ ããrĩrõgue ĩgũ merã ããrĩrãkoa.

15 Yũ wererosũta Marĩpũya werenĩrĩ gojadesa pũgue ãsũ ãrĩ gojasũdero ããrĩbũ:

Dapagãrẽ Marĩpu mũsarẽ weremakũ, ĩgũrẽ õãrõ pẽka! Iripoegue Israel bumarã ĩgũ dorerire tarinũgãderosũ iribirikõãka! ãrĩ gojasũdero ããrĩbũ.✠

16 ĩgũsã Marĩpũya werenĩrĩrẽ pẽkererã, ĩgũ dorerire tarinũgãnerã ããrĩmã. Æãrĩpererã Egiptogue ããrĩrãrẽ Moissẽ ãĩãsũnerã ããrĩkererã, Marĩpu dorerire tarinũgãnerã ããrĩmã.

✠ 3:11 Sal 95.7-11 ✠ 3:15 Sal 95.7-8

17 Īgūsā tarinugādea waja cuarenta bojorigora Marīp_u Īgūsā merā guadi āārīmí. Masaka marīrōgue Īgūsārē āārīdoredi āārīmí. Irogueta boanerā āārímá.

18 Īgū dorerire tarinugāmakū Īāgū, gopeyaro merā Īgūsārē āsū ārī weredi āārīmí: “Y_u merā ōārō siñajārī bokabirimakū irigura”, ārīdi āārīmí.

19 Irasirirā ire masīa marī. Īgūsā Marīp_ure b_uremubiridea waja Īgū merā ōārō siñajārī bokabirinerā āārímá.

4

1 Marīp_u iripoegue marārē: “Y_u merā siñajārī bokarākoa”, ārī pīderosūta marīdere pīdi āārīmí. Irasirirā marīde gopeyaro merā Marīp_ure y_ujuro gāāmea, Īgū merā ōārō siñajārī bokamurā.

2 Marīp_u masakare tauri kerere iripoegue marā péderosūta marīde péb_u. Īgūsā gap_u iri kerere pékererā, b_uremurī merā pébirinerā āārímá. Irasirirā irire ubugorata péunanerā āārímá.

3 Marī gap_u Marīp_ure b_uremurā Īgū merā ōārō siñajārī bokarākoa. Īgūrē b_uremumerā gap_ure āsū ārīdi āārīmí:

Y_ure b_uremubiri waja Īgūsā merā guab_u. Irasirig_u Īgūsārē gopeyaro merā āsū ārī wereb_u:
 “Y_u merā ōārō siñajārī bokabirikuma”, ārīdi āārīmí.✧

I ūmurē iri odo, siñajādi āārīmí. Irasirig_u masakadere Īgū merā siñajāburire pīdi āārīmí.

4 Gaji āsū ārī gojasūdero āārībú, Īgūya werenírī gojadea pūgue:

✧ 4:3 Sal 95.11

I ũmuma ããrĩpererire iripeo odogu, su mojõma pere gaji mojõ peru pẽrẽbejarinũrĩ waaró merã ĩgũ moãrĩrẽ piri, siñajãdi ããrĩmĩ.✧

5 ĩgũrẽ buremumerã gapure ãsũ ãrĩdi ããrĩmĩ doja ĩgũya werenĩrĩ gojadea pũgue:

Yũ merã õãrõ siñajãrĩ bokabirikuma, ãrĩdi ããrĩmĩ.✧

6 Iripoegue marã, ĩgũ masakare tauri kerere pẽpũrorinerã, ĩgũ dorerire tarinugãdea waja ĩgũ merã õãrõ siñajãrĩ bokabirinerã ããrĩmã. Gajirã gapũ ĩgũrẽ buremurã ĩgũ merã õãrõ siñajãrĩ bokarãkuma.

7 Irasirigũ Marĩpũ masakare ĩgũ merã siñajãburire pĩgu: “Dapagorare yũre õãrõ péka!” ãrĩdi ããrĩmĩ. Israel bumarã ĩgũ dorerire tarinugãdero pũrũ, yoaripoe pũrũ irire Davire gojadoredi ããrĩmĩ. Irasirigũ mũsãrẽ dupaturi irire weregũra doja. ãsũ ãrĩ gojadi ããrĩmĩ David:

Dapagorare Marĩpũ mũsãrẽ weremakũ, õãrõ péka!
 ĩgũrẽ pẽdũamerã irirosũ ããrĩbirikõãka! ãrĩ gojadi ããrĩmĩ.✧

8 Iripoegue David irire gojaburi dupiyuro Josué Israel bumarãrẽ Marĩpũ ĩgũsãrẽ sĩdea nikũgue ãĩjadi ããrĩmĩ. Iro gapure siñajãrĩ bokabirinerã ããrĩmã. Irasirigũ Marĩpũ ĩgũyarãrẽ gaji siñajãrĩ sĩburire weredi ããrĩmĩ.

9 Irasirirã, Marĩpũ i ũmũrẽ iri odo, ĩgũ siñajãderosũta marĩ ĩgũyarãde ĩgũ merã õãrõ siñajãrĩ bokarãkoa.

10 Marĩpũ merã siñajãrã, marĩ gããmerõ moãrĩrẽ piri, ĩgũ gããmerĩ gapure iripũrorirã, ĩgũ merã

ōārō siñajānīkōārākoa, ĩgũ i ãmãmarẽ iri odo siñajãderosũta.

11 Irasirirã ĩgũrẽ oārō bũremurõ gããmea, ĩgũ merã siñajãrĩ bokamurã. Iripoegue marã ĩgũrẽ bũremubiridea waja ĩgũ merã neõ siñajãrĩ bokabirinerã ããrĩmã. ĩgũsã iriderosũ iribirikōārõ gããmea marĩrẽ.

12 Marĩpũya werenĩrĩrẽ pérã, ĩgũ merã oārõ ããrĩnīkōãa. Sareri majĩ pe gapũ usiri majĩ sareñajãrõ nemorõ Marĩpũya werenĩrĩ marĩya yũjũpũrãrĩgue, marĩ gũñarĩgue ñajãrokoa. Irasirirã ĩgũya werenĩrĩrẽ pérã, marĩya yũjũpũrãrĩmarẽ marĩ gũñarĩdere: “I gapũ õãgorãa, o i gapũ ñegorãa”, ãrĩ masĩrãkoa.

13 Marĩ masaka ããrĩpererã Marĩpũ irinerã dita ããrã. ĩgũ iãberogue neõ ããrĩbea. ããrĩpereri marĩ ããrĩrikũrire marĩ iririkũrire masĩmi. Irasirirã oārĩ gũñarĩ oparã oārõ irirã, ĩgũ iũrõ marĩ irideare, marĩ gũñadeare weredoremakũ, gũyasĩrĩrõ marĩrõ weremasĩrãkoa.

Jesús paía opũ nemorõ ããrĩmi, ãrĩ gojadea

14 Jesús, Marĩpũ magũ, paía opũ nemorõ marĩya ããrĩburire Marĩpũre sërẽbosagu ããrĩmi. ĩgũ Marĩpũ pũroque ããrĩmi. Irasirirã neõ piriro marĩrõ ĩgũrẽ bũremunīkōããrã!

15 Jesús paía opũ nemorõ, marĩ turamerãrẽ bopoñarĩ merã iãgũ marĩrẽ iritamugũ ããrĩmi. Wãtĩ marĩrẽ ñerĩrẽ iridorerosũta Jesúdere ããrĩpereri ñerĩrẽ iridoredi ããrĩmĩ. Jesús gapũ ñerĩrẽ neõ iribiridi ããrĩmĩ.

16 ĩgũ marĩya ããrĩburire sërẽbosagu ããrĩmakũ iãrã, Marĩpũre gũiri marĩrõ marĩ sërẽmasĩa. ĩgũ

ãārĩrõgue ĩgũ merã ãārĩrã irirosũ sērēmasĩa. ĩgũ marĩrē maĩgũ, marĩrē bopoñarĩ merã ĩãsĩã, marĩ ñerõ tariripoere diayeta iritamugũkumi.

5

¹ Marĩ ire masĩa. Sugũ paía opũ, masaka watope Marĩpũ beyepísũdi ãārĩmi. Masakaya ãārĩburi ãārĩpererire Marĩpũre sērēbosagu ãārĩmi. Irasirigu Marĩpũre ĩgũsã síduarire síbosagu ãārĩmi. “ĩgũsã ñerĩ iridea waja ĩgũsãrē wajamoãbirikõãaka!” ãrĩ sērēgũ, Marĩpũ ĩũrõ waibũre wējē soepeobosagu ãārĩmi.

² Paía opũ marĩ irirosũta ĩgũ turari merã ĩgũ ñerĩ iriduarire tau kãmutamasĩbemi. Irasirigu pémasĩmerãrē, ñerõ irirãrē bopoñarĩ merã ĩãmasĩmi.

³ Turabi ãārĩsĩã, gajirãrē iribosarosũta ĩgũ basi ñerõ iridea waja Marĩpũ ĩũrõ waibũre wējē soepeomi.

⁴ Neõ sugũ ĩgũ gããmerõ paía opũ ñajãmasĩbemi. Marĩpũ gapũ ĩgũrē beyepĩmi, iripoeguemũ Aarõrē ĩgũ beyepíderosũta.

⁵ Cristode ĩgũ gããmerõ paía opũ ñajãbiridi ãārĩmĩ. Marĩpũ ĩgũrē Opũ pídi ãārĩmĩ. Ąsũ ãrĩdi ãārĩmĩ ĩgũrē: Yũ magũ ããrã mũ. Dapagã merã mũ, yũ magũ ãārĩrĩrē masakare masĩmakũ yãa, ãrĩdi ãārĩmĩ.✧

⁶ Gajirogue ĩgũya werenĩrĩ gojadea pũgue ĩgũ magũrē ãsũ ãrĩdi ãārĩmĩ:
Melquisedec paí ããrĩderosũta mũ ããrĩnĩkõãgũkoa, ãrĩdi ãārĩmĩ.✧

7 Cristo i ũmague ããrĩgũ, buro oreri gaguinĩrĩ merã Marĩpũre ĩgũ turari merã ĩgũ boaburire taumasĩgũrẽ sêrêdi ããrĩmĩ. ĩgũ, Marĩpũ gããmerĩ ditare iriduamakũ ĩãgũ, ĩgũ sêrêrĩrẽ pé, ĩgũrẽ gũñaturamakũ iridi ããrĩmĩ.

8 Cristo, Marĩpũ magũ ããrĩkeregũ, buro ñerõ taridi ããrĩmĩ. Ñerõ tarikeregũ, Marĩpũ dorerire tarinũgãrõ marĩrõ ĩgũrẽ õãrõ yũjũri merã irire iritariweredi ããrĩmĩ.

9 ĩgũ curusague boagũ, ããrĩpereri Marĩpũ ĩgũrẽ iridoredeare iripeodi ããrĩmĩ. Irasirigũ ããrĩpererã marĩrẽ ĩgũrẽ yũjũrãrẽ taudi ããrĩmĩ, ĩgũ pũro perebiri okari opaburo, ãrĩgũ.

10 Irasirigũ Marĩpũ ĩgũrẽ: “Melquisedec paĩ ããrĩderosũta mũ ããrĩnĩkõãgũkoa”, ãrĩ pídi ããrĩmĩ, marĩya ããrĩburire sêrêbosabure.

Jesucristore bũremurĩrẽ piriri, ãrĩrã, ĩgũrẽ gũñaturanĩkõãrõ gããmea, ãrĩ gojadea

11 Cristo paĩa opũ nemorõ ããrĩrĩrẽ wãri werenemodũadãa. Mũsã pémasĩturabirimakũ, irire werenemasĩbirikoa.

12 Mũsã yoaripoe Cristore bũremubũ. Irasirirã dapagoraguere gajirãrẽ Marĩpũyare buerimasã ããrĩbukoa. Mũsã irasũ ããrĩbonerã, dapagoraguedere neõ buerpũrorirã irirosũta ããrĩkõãa. Ôpĩkũ mirĩrã, baari baagamasĩmerã, majĩrãgã irirosũta ããrĩkõãa. Irasirirã gajirã buerimasã mũsarẽ buerpũrorideare dupaturi buero gããmea.

13 Ôpĩkũ mirĩrã majĩrãgã irirosũ ããrĩrãno, “I ñerĩ, i gapũ õãrĩ ããrã”, ãrĩ beyemasĩbema.

14 Baari buriri gapu murã baari ããrã. Murã ããrãrãno, õãrõ buenerã, õãrĩrẽ, ñerĩrẽ beyemasĩrãgue ããrĩma.

6

1 Irasirirã murã pémasĩrã irirosũ Cristoyamarẽ õãrõ pémasĩrã dujarã, irire buenemorõ gããmea. Neõgorague ãgũyare buerurorirã, marĩ ñerõ irideare bujawere, gũñarĩ gorawayurire buebu, Marĩpu marĩrẽ perebiri peamegue béori, ãrĩrã. Marĩ ñerõ iririkudeare piri, Marĩpure õãrõ buremurĩdere buebu.

2 Gajidere, deko merã, Õãgũ deyomarĩgũ merã wãiyerire buebu. Marĩ oparã ãgũsãya mojørĩ merã marĩrẽ: “Marĩpu murẽ iritamuburo”, ãrĩ ñapeoridere buebu. Boanerã masãburire, Marĩpu Cristore burenumerãrẽ perebiri peamegue wajamoãburidere buebu.

3 Irasirirã marĩ Cristore buremurã ãgũyare buenemowãgãnikõãrãkoa, Marĩpu gããmemakũ ãgũ iritamurĩ merã masĩnemorã.

4 Æsũ ããrã. Masaka Jesucristoya kerere pémasĩkererã, Marĩpu ãgũyarãrẽ õãrĩ sĩburire masĩkererã, Õãgũ deyomarĩgũrẽ opakkererã,

5 Marĩpu õãrĩ werenĩrĩrẽ pékererã, i umu peredero puru ãgũ turari merã iriburire masĩkererã,

6 iri gapure gããmemerã, neõ dupaturi ãgũsã ñerõ irideare bujawereri merã pirimasĩbirikuma. Neõ dupaturi ãgũsã gũñarĩrẽ õãrĩ gapu gorawayumasĩbirikuma. Irasirirã Marĩpure gããmebiri waja, Marĩpu magũ Cristore burenumerã, ãgũrẽ dupaturi curusague pábiatú

wějěrã irirosũ ããrĩrãkuma. Gajirãrẽ ãgũrẽ masaka ãũrõgue bũridamakũ irirãkuma.

⁷ Æsũ ããrã. Marĩ, su pooema nikũ irirosũ ããrã. Õãrĩ nikũrẽ ãmũrikũ deko merẽmakũ, sibi ñajãnakoã. Irasiriro iri pooe opũ otedea õãrõ puri dukakũkoã. Irasirigũ iri pooe opũ dukare opakumi ãgũ baaburire. Gajirã iri yebare õãrĩ dukakũmakũ ããrã: “Marĩpũ õãrõ dukakũmakũ irikumĩ”, ãrĩkuma. Irasũta yãmi Marĩpũ ãgũyare pãrãrẽ. Gajirã ãgũsã ãgũyare õãrõ irimakũ ããrã: “Marĩpũ ãgũsãrẽ õãrõ iritamumi, irasirirã õãrõ yãma”, ãrĩrãkuma.

⁸ Iri pooere pora, ñerĩ tá dita puri dukakũmakũ, béokõãrõ gããmea. Irasũta yãmi Marĩpũ ãgũyare pãkererã irimerãrẽ. Perebiri peamegue béogũkumi ãgũsãrẽ wajamoãgũ.

Jesucristore bũremurĩrẽ piriro marĩrõ marĩ ãmũgasigũe waaburire yũro gããmea, ãrĩ gojãdea

⁹ Yũ, Marĩpũ ãgũsãrẽ béoburire weregũ, mũsãrẽ yũ maĩrãrẽ: “ãgũ béosũmurã ããrã”, ãrĩgũ meta yãa. Marĩpũ mũsãrẽ Cristo merã taudi ããrĩmĩ, ãgũyarã ããrĩburo, ãrĩgũ. Irasirirã mũsã õãrĩ yebague otedea õãrõ dukakũrosũta õãrĩrẽ yãa. Irire yũ masĩa.

¹⁰ Marĩpũ diayema irigũ ããrĩmĩ. Irasirigũ ãgũyare mũsã õãrõ iririre kãtibirikumi. Mũsã ãgũrẽ maĩsĩa, gajirã ãgũyarãrẽ iritamurĩdere kãtibirikumi.

¹¹ Yũ, mũsã okaropa mũsũyari merã gajirãrẽ iritamunĩmakũ gããmea. Irasirirã Marĩpũ ãgũyarãrẽ: “Õãrĩrẽ sũgũra”, ãrĩdeare mũsã yũrĩre, pũrũgue diayeta oparãkoã.

¹² Irasirigũ mũsã Marĩpũyare tãri merã iritayamakũ gããmebea. Gajirã Marĩpũ Jesucristo merã tauri kerere bũremurã ñerõ tarikererã,

Marĩpũre: “Diayeta yũre iritamugũkumi”, ãrĩ buremunĩkõãma. Īgũsã irasirimakũ ĩãgũ, Marĩpũ ĩgũyarãrẽ: “Õãrĩrẽ sĩgura”, ãrĩdeare ĩgũsãrẽ sĩgũkumi. Irasirirã masãde ĩgũsãrẽ ĩãkũĩ, ĩgũsã irirosũta irinĩkõãka!

13-14 Iripoegue Marĩpũ Abrahãrẽ ãsũ ãrĩ pídi ããrĩmĩ: “Diayeta mũrẽ õãrĩrẽ irigũra yũ ãrĩderosũta. Mũ parãmerã ããrĩturiarãrẽ wãrã ããrĩmakũ irigũra”, ãrĩ pídi ããrĩmĩ. Irasũ ãrĩ pígu, ĩgũ wãĩ merã wãĩpeodi ããrĩmĩ. Gajigu ĩgũ nemorõ ããrĩgũ neõ marĩmakũ, ĩgũ wãĩ merã wãĩpeodi ããrĩmĩ.

15 Abraham, Marĩpũ ĩgũrẽ ãrĩ pídeare õãrõ buremurĩ merã yũdi ããrĩmĩ. Irasirigu Marĩpũ ĩgũ ãrĩderosũta ĩgũrẽ õãrõ iridi ããrĩmĩ.

16 Sugu masakũ gajirã péuro: “Diayeta ãrĩgũ yãa”, ãrĩgũ, ĩgũ nemorõ ããrĩgũya wãĩ merã wãĩpeokumi. ĩgũ irasũ ãrĩ wãĩpeomakũ pérã: “Diayeta werekumi”, ãrĩ, ĩgũ merã neõ guaseomasĩbirikuma.

17 Irasirigu Marĩpũ Abrahãrẽ: “Diayeta mũrẽ õãrĩrẽ irigũra”, ãrĩ pígu, ĩgũ wãĩ merã wãĩpeodi ããrĩmĩ. Marĩ ĩgũ irasũ wãĩpeo weredeare pérã: “Īgũ ãrĩderosũta diayeta irigũkumi”, ãrĩ masĩa. “Īgũ ãrĩdeare neõ gorawayubirikumi”, ãrĩ masĩa. Irasirigu irire marĩrẽ õãrõ masĩburo, ãrĩgũ, Abrahãrẽ ãrĩ pídeare weregu, ĩgũ wãĩ merã wãĩpeodi ããrĩmĩ.

18 Marĩpũ neõ ãrĩkatobi ããrĩmĩ. Irasirigu ĩgũ ãrĩ pídea merã, ĩgũ wãĩpeodea merã, ĩgũ ãrĩdea neõ gorawayubiriburire marĩrẽ masĩmakũ iridi ããrĩmĩ. Marĩ irasirigũre masĩrã, marĩ ñerõ irideare piri, ĩgũ marĩrẽ tauburire gũñaturari merã yúa. “Irasũta irigũkumi”, ãrĩ masĩa.

19 Irasirigu Marĩpu marĩrẽ ĩgũ õãrõ iriburire yúrãrẽ ãmũgasigue ĩgũ merã ããrĩmakũ irigukumi. ĩgũ turatarigu ããrĩsĩã, irire diayeta irigukumi. Irire õãrõ masĩa marĩ.

Ãsũ ããrã. Sugũ paía opũ Marĩpu ããrĩrĩ taribu poekague ñajãgũ, iri taribu makãpũro kãmutari gasiro tariñajãmi. Irasũ ñajãgũ, masakaya ããrĩburire sërẽbosami Marĩpũre.

20 Marĩpu ããrĩrĩ taribugorague ñajãrõsũ Jesús ãmũgasigue Marĩpu ããrĩrõgue ñajãdi ããrĩmĩ. Marĩ irogue ñajãburi dupiyuro ñajãsiadi ããrĩmĩ, paía opũ nemorõ Marĩpũre marĩya ããrĩburire sërẽbosanĩkõãbu. Melquisedec paĩ ããrĩderosũta ããrĩnĩkõãgukumi.

7

Melquisedec paĩ ããrĩderosũta Jesús ããrĩmi, ãrĩ gojadea

1 Iripoegue Melquisedec wãĩkũgũ Salem* wãĩkũri makã marã opũ ããrĩdi ããrĩmĩ. ĩgũ paĩ ããrĩgũ, masakaya ããrĩburire Marĩpũre ããrĩpererãrẽ doregũre sërẽbosagũ ããrĩdi ããrĩmĩ. Abraham gajirã oparãrẽ wẽjẽ tarinũgãgũ ejadi goedujãamakũ, Melquisedec ĩgũrẽ bokatĩrĩgũ waadi ããrĩmĩ. ĩgũrẽ bokatĩrĩgũ, Marĩpũre: “Gũapũ, ĩrẽ õãrõ irika!” ãrĩ sërẽbosadi ããrĩmĩ.

2 Abraham gajirã oparãrẽ wẽjẽ tarinũgãsiã, ĩgũsãya ããrĩdeare ãĩadi ããrĩmĩ. Irasirigu ĩgũ ãĩdeare pe mojõma buri dukawa pí, subu sĩdi ããrĩmĩ

* 7:1 Salem wãĩkũri makã, Jerusal'eta ããrĩyuro.

Melquisedere. “Melquisedec”, ãrĩrõ: “Opũ diayeta irigũ”, ãrĩduaro yáa. Ĩgũ Salem marãrẽ doregũ ããrĩdi ããrĩmĩ. Ĩgũyarãrẽ õãrõ siñajãrĩ merã ããrĩmakũ iridi ããrĩmĩ. Irasiriro: “Salem”, ãrĩrõ: “Siñajãrĩ”, ãrĩduaro yáa.

³ Melquisedec pagũsãmarãrẽ, ĩgũ ñekũsãmarãrẽ ĩgũsã were gojatúdea neõ máa. Ĩgũ deyoadeare, ĩgũ boadeare, ĩgũrẽ gorawayubure were gojatúdea neõ máa. Irasirigũ ĩgũ, Marĩpũ magũ Jesucristo paĩ ããrĩnkõãgũ irirosũ ããrĩdi ããrĩmĩ.

⁴ Irasirirã Melquisedere gũñaka! Ubu ããrĩgũ meta ããrĩdi ããrĩmĩ. Marĩ ñekũ Abraham marĩya bumũ ããrĩpuroridi ããrĩkeremakũ, Melquisedec, Abraham nemorõ ããrĩdi ããrĩmĩ. Irasirigũ Abraham Melquisedere, gajirã oparãrẽ wẽjẽ tarinũgãsĩã, ĩgũsãya ããrĩdea ãĩadeare pe mojõma buri dukawa pí, subu sĩdi ããrĩmĩ.

⁵ Æsũ ããrã. Moisés dorederosũta ããrĩpererã gajirã Israel bumarã ĩgũsãyare, Levĩ parãmerã ããrĩturiarãrẽ paĩa ããrĩrãrẽ keoro sĩma. Abraham Levĩya bumarã ñekũ ããrĩdi ããrĩmĩ. Ĩgũ ããrĩpererã gajirã Israel bumarã ñekũ ããrĩdi ããrĩmĩ. Ĩgũ, ĩgũsã ñekũ ããrĩdi ããrĩkeremakũ, ĩgũsã gapũ Moisés dorederosũta irirã, Levĩ parãmerã ããrĩturiarã ditare sĩma.

⁶ Melquisedec gapũ Levĩ parãmi ããrĩturiagu ããrĩbiridi ããrĩmĩ. Abraham gapũ Marĩpũ: “Õãrõ irigũra”, ãrĩ písũdi ããrĩkeregũ, Melquisedere sĩdi ããrĩmĩ. Irasirigũ Melquisedec Abrahãrẽ: “Marĩpũ marẽ õãrõ iriburo”, ãrĩdi ããrĩmĩ.

⁷ Irasirirã marĩ ire masĩa. Melquisedec Abrahãrẽ: “Marĩpũ marẽ õãrõ iriburo”, ãrĩgũ,

Abraham nemorõ ããrĩdi ããrĩmĩ.

⁸ Gajire masĩa. Paía, marĩ watope ããrĩrã, marĩ irirosũta masaka ããrĩma. Irasirirã boamurãta ããrĩma. Moisés dorederosũta irirãno, ĩgũsãyare pe mojõma buri oparire subu sĩma paĩare. Abraham Melquisedere sīgũ, ããrĩnīgũ irirosũ ããrĩgũrẽ sĩdi ããrĩmĩ. Marĩp̄ya werenĩrĩ gojadea pũgue Melquisedere: “Boakõãdi ããrĩmĩ”, ãrĩ gojadea neõ mãa.

⁹⁻¹⁰ Masaka Moisés dorederosũta irirã, ĩgũsãyare pe mojõma buri oparire subu sĩma, Levĩ parãmerã ããrĩturiarãrẽ paĩare. Iripoegue Levĩ deyoaburi dupiyuro Melquisedec Abrahãrẽ bokatĩrĩgũ waadi ããrĩmĩ. ĩgũ bokatĩrĩmakũ, Abraham ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. Levĩ, Abraham parãmi ããrĩdi ããrĩmĩ. ĩgũ parãmerã ããrĩturiarãde Abraham parãmerãta ããrĩnerã ããrĩmã. Irasirirã, Abraham Melquisedere sĩdea merã ĩgũsãde ĩgũrẽ sĩnerã irirosũ ããrĩnerã ããrĩmã. Irasirigũ Melquisedec ĩgũsã nemorõ ããrĩdi ããrĩmĩ.

¹¹ Marĩp̄ Israel bumarãrẽ ĩgũ dorerire pígu, Aarón parãmerã ããrĩturiarã Levĩya bumarãrẽ: “Paía ããrĩma”, ãrĩ pídi ããrĩmĩ. Irasirirã ĩgũ dorederosũta paía waimurãrẽ wējẽ soepeo, Marĩp̄re masakaya ããrĩburire sērēbosanerã ããrĩmã. ĩgũsã irasiridea gap̄ masakare Marĩp̄ ĩũrõ õãrã waamakũ irimasĩbea. Irasirigũ Marĩp̄ ĩgũsãrẽ gorawayubure Cristore iriudi ããrĩmĩ, paĩ ããrĩbure, marĩrẽ õãrã ããrĩmakũ iribure. Cristo gap̄ Levĩya bumũ, Aarón parãmi ããrĩturiagũ ããrĩbemi. Melquisedec ããrĩderosũta paĩ ããrĩmĩ.

12 Irasirig_u Marĩp_u Cristore paĩare gorawayubure iriug_u, ĩg_u iripoegue doredeadere gorawayudi ããrĩmĩ.

13-14 Marĩp_u ĩg_u iripoegue dorederosũta Levĩya bumarã ditare paĩa sóounadi ããrĩmĩ. Marĩ Op_u Jesucristo gap_u Israel bum_u ããrĩkereg_u, Levĩya bum_u meta ããrĩmĩ. Judáya bum_u ããrĩmĩ. Marĩp_u Moisére ĩg_u dorerire píg_u, neõ Judáya bumarãrê: “Paĩa ããrĩrākuma”, ãrĩbiridi ããrĩmĩ. Irire masĩa marĩ.

15 Irire masĩrã, idere õãrõ pémasĩa. Cristo, Marĩp_u paĩ sóodi, gajirã paĩare gorawayug_u, Melquisedec irirosũ ããrĩg_u ããrĩmĩ.

16 Marĩp_u iripoegue dorederosũta Levĩya bumarã dita paĩa ñajãunanerã ããrĩmã. Jesucristo gap_u Marĩp_u pídi gajirã paĩa irirosũ paĩ ñajãbiridi ããrĩmĩ. Marĩp_u turari merã ããrĩnĩg_u ããrĩsĩa, paĩ ñajãdi ããrĩmĩ.

17 Marĩp_u ĩg_u werenĩrĩ gojadea pũgue ĩg_u magũrẽ irire ãsũ ãrĩdi ããrĩmĩ:
Melquisedec paĩ ããrĩderosũta m_u ããrĩnĩkõãg_ukoa, ãrĩdi ããrĩmĩ.✧

18 Marĩp_u Moisére doreri píproridea marĩrẽ Marĩp_u merã õãrõ ããrĩmakũ irimasĩbea. Irasirig_u Marĩp_u iri dorerire bojepĩkõãdi ããrĩmĩ.

19 Marĩp_u Moisére doreri pídea merã marĩ ĩg_u ĩũrõ õãrã neõ ããrĩmasĩbea. Irasirig_u Marĩp_u Jesucristo merã marĩrẽ õãrã ããrĩmakũ iriburire pídi ããrĩmĩ. Irasirirã marĩ Cristore b_uremurã, Marĩp_u p_urogue ñajãrã irirosũ ĩg_urẽ diayeta sêrẽmasĩa.

20 Marĩp_u Cristore paĩ sóog_u: “Y_u wãĩ merã m_urẽ wãĩpeo píã”, ãrĩdi ããrĩmĩ.

✧ 7:17 Sal 110.4

21 Gajirã paía gapure ïgũ wãĩ merã wãĩpeo píbiridi ããrĩmí. Cristo gapure wãĩpeo, paí pídi ããrĩmí. Æsũ ãrĩ weredi ããrĩmí Marĩpu Cristore:

Yu, mu Opu ããrã. Irasirigu yu wãĩ merã murẽ wãĩpeogu, diayeta weregura.

Irasirigu neõ gorawayuro marĩõ murẽ ãsũ ãrĩ werea: “Melquisedec paí ããrĩderosũta mu ããrĩnikõãgukoa”, ãrĩdi ããrĩmí Marĩpu ïgũ magũrẽ.*

22 Marĩpu irasũ ãrĩ weregu, ïgũ Jesucristo merã marĩrẽ õãrã ããrĩmakũ iriburire pídi ããrĩmí. Iri ïgũ Moisére doreri pípurorida nemorõ, marĩ õãrõ ããrĩburire pídea ããrã.

23 Æãrĩpurorinerã paía boamakũ, gajirã gorawayu ñajãnerã ããrĩmã doja. Irasirirã wãrã paía ñajãnerã ããrĩmã.

24 Jesús gapu irasũ ããrĩnikõãmi. Irasirirã ïgũrẽ gorawayurã paía neõ máma.

25 Irasirigu Marĩpуре marĩya ããrĩburire sërëbosanikõãmi. Marĩpуре masĩrãno, Jesúre buremurã ããrĩma. Irasirigu ããrĩpererã marĩrẽ ïgũrẽ buremurãrẽ taumasĩmi, Marĩpu merã õãrõ ããrĩnikõãburo, ãrĩgũ.

26 Irasirigu Jesús paía opu nemorõ, ããrĩpereri marĩya ããrĩburire keoro iritamugã ããrĩmi. ïgũrẽta marĩ bure gããmea. ïgũ õãtarigu, neõ ñerĩrẽ iribi, ñerĩ opabi ããrĩmi. Irasirigu Marĩpu ïgũrẽ ñerã watope ããrĩdire ãĩ, mũmugasigue ããrĩpererã gajirã nemorõ Opu pídi ããrĩmí.

27 Gajirã paía oparã irirosũ ããrĩbemi. ïgũsã gapu mũmũrikũ waimũrãrẽ wẽjẽ soepeo sërëbosama,

* 7:21 Sal 110.4

Marĩpũre masaka ñerĩ iridea waja ĩgũsãrẽ waja moãbirikõãburo, ãrĩrã. Paĩade ĩgũsã ñerĩ iridea waja Marĩpũ ĩũrõ ĩgũsã basi waimũrãrẽ wẽjẽ soepeopũrorima. Pũrũ gajirã ñerĩ ĩgũsã iridea waja waimũrãrẽ wẽjẽ soepeobosama. Æmũrikũ irasirinama. Jesũs gapũ paĩa opũ nemorõ ããrĩgũ, marĩ ñerĩ iridea waja waimũrãrẽ wẽjẽ soepeobiridi ããrĩmĩ. Suñarõta marĩ ããrĩpererãrẽ boabosadi ããrĩmĩ, marĩ ñerĩ iridea wajare taugũ.

²⁸ Marĩpũ Moisére doreri pídea merã paĩa oparã sóosũma. ĩgũsã irasũ sóosũkererã, õãrĩ ditare irimerã ããrĩma. Iri dorerire pídero pũrũ, Marĩpũ ĩgũ magũ gapũre ĩgũ wãĩ merã wãĩpeo, paĩa opũ nemorõ sóodi ããrĩmĩ. Irasirigũ ĩgũrẽ sóogu, ĩgũ gããmerõsũta õãrĩ iripeogu ããrĩnĩmakũ iridi ããrĩmĩ.

8

Jesũs marĩya ããrĩburire Marĩpũre sërẽbosagu ããrĩmĩ, ãrĩ gojadea

¹ ããrĩpereri yũ musãrẽ wererire pérã, ire õãrõ pémasĩka! Jesucristo paĩa opũ nemorõ ããrĩgũ ãmũgasigue Marĩpũ turatarigũ diaye gapũ doami ĩgũrẽ marĩya ããrĩburire sërẽbosabu.

² Æmũgasigue marĩ Opũ iridea wii ĩgũya wiigora ããrã. Iri wii, masaka iridea wii meta ããrã. Irasirigũ Jesucristo irogu marĩya ããrĩburire Marĩpũre sërẽbosagu, iri wiigueta sërẽbosami.

³ Marĩpũ i nikũ marã paĩa oparãrẽ sóogu, ĩgũ ĩũrõ waimũrãrẽ wẽjẽ soepeomurãrẽ, gajino ĩgũrẽ sĩmurãrẽ sóomi. Irasirigũ Jesucristode ĩgũsã Marĩpũre gajino sĩrã irirosũ irigu, ĩgũ basi marĩrẽ boabosadi ããrĩmĩ.

⁴ Jesucristo i nikũgue ããrĩgú, paí ããrĩbiribukumi. Gajirã paía Moisés dorederosũta Marĩpũ iũrõ ãgũrẽ gajinorẽ sĩrã ããrĩsiamã.

⁵ I nikũ marã paía Marĩpũya wiigũe ãgũ iũrõ moãma. Iri wii i nikũma wii ããrã. Marĩpũya wiigora ãmũgasigũe ããrã. Irasiriro Marĩpũya wii i nikũma wii, ãmũgasima wii keori ããrã. Moisés i nikũma wiire iriburo dupiyuro Marĩpũ ãsũ ãrĩdi ããrĩmĩ ãgũrẽ: “Yũ murẽ ãtãũgue ãmũderosũta yaa wiire irigũkoa. Yũ dorederosũta yaa wiire keoro irika!” ãrĩdi ããrĩmĩ.

⁶ Jesús gapũre: “Paía opũ nemorõ ããrã mũ”, ãrĩ pídi ããrĩmĩ. Irasiriro Jesús ãmũgasigũe paí moãrĩ, i nikũ marã paía moãrĩ nemorõ õãrĩ ããrã. Iripoegũe Marĩpũ masakare: “Moisére yũ doreri pídeare iripeorãrẽ õãrõ irigũra”, ãrĩ werepídi ããrĩmĩ. Pũrũ Jesucristore iriugũ: “ãgũrẽ bũremurãrẽ yũ merã õãrã ããrĩmakũ irigũra”, ãrĩ werepídi ããrĩmĩ. Irasiriro ãgũ iripoegũe werepídea nemorõ õãrĩ ããrã. Irasirigũ Jesucristo Marĩpũ merã marĩ õãrõ ããrĩburire ãmũbosagũ ããrĩsĩã, paía opũ nemorõ ããrĩmĩ.

⁷ Moisére Marĩpũ doreri pídea, marĩrẽ Marĩpũ merã õãrõ ããrĩmakũ iribiridero ããrĩbã. Iri doreri marĩrẽ õãrõ irimakũ tamerãrẽ Marĩpũ dupaturi gaji werepĩbiribodi ããrĩmĩ.

⁸ ãgũyarã, Israel bumarã ãgũ doredere iribiri waja ãgũsãrẽ ãsũ ãrĩdi ããrĩmĩ ãgũya werenĩrĩ go-jadea pũgue:

Yũ mũsã Opũ, ãsũ ãrã: “Õãrõ péka! Mũsã Israel bumarãrẽ, Judáya bumarãdere pũrũguere gaji maama werepĩgũkoa.

- 9 Iri, y_u m_usã ñek_usãmarãrê iripoegue werepídea irirosũ neõ ããrĩbirikoa. Y_u basi ãg_usãrê Egipto nikũgue ããrĩrãrê õãrõ koreri merã wiub_u. Wiu: ‘Y_u dorerire irimakũ, m_usãrê õãrõ irig_ura’, ãrĩ werepíbu. Y_u irasũ ãrĩdeare ãg_usã gap_u tarinugãma. ãg_usã tarinugãrĩ waja ãg_usãrê béob_u, ãg_usã gããmerõ iriburo, ãrĩg_u.
- 10 Irasirig_u purug_uere Israel bumarãrê ãsũ ãrĩ wereg_ura: Y_u dorerire ãg_usãrê gũña pémasĩmakũ irig_ukoa. Y_u dorerire ãg_usãrê irid_uamakũ irig_ukoa. Irasirig_u y_u, ãg_usã Op_u ããrĩg_ukoa. ãg_usã, yaarã y_u ditare buremurã ããrĩrãkuma.
- 11 Neõ sug_u ãg_uyarãrê ãg_u merãmarãrê, ãg_u pagup_urãrê: ‘Marĩ Op_ure masĩka m_usã!’ ãrĩ buebirikuma. ããrĩpererã y_ure masĩrãkuma. Majĩrã, irasũ ããrĩmakũ m_urã y_ure masĩrã dita ããrĩrãkuma.
- 12 Irasirig_u ãg_usã ñerĩ irideare kãtig_ukoa. ãg_usã ñerĩ irideare neõ gũñanemobirikoa. ãg_usãrê wajamoãbirikoa”, ãrĩdi ããrĩmĩ Marĩp_u Israel bumarãrê.✠
- 13 Irasũ ãrĩ wereg_u, maama werepĩri merã iripoegue ãg_u masakare werepĩpurorideare peremakũ iridi ããrĩmĩ. Gajino bug_ure béo gorawayurosũ, maama merã ãg_u werepĩpurorideare gorawayudi ããrĩmĩ.

9

Marĩp_ure buremurĩ wiimarê gojadea

✠ 8:12 Jer 31.31-34

1 Iripoegue Marĩpu Moisére ĩgũ dorerire pípurorigu, masaka ĩgũrẽ buremuburidere pídi ããrĩmĩ. Irasirigu ĩgũsãrẽ ĩgũrẽ buremuburi wii i nikũma wiire iridoredi ããrĩmĩ.

2 Iri wii waimurã gasiri merã ĩgũsã iridea wii, pe taribu opari wii ããrĩdero ããrĩbú. Najãnugãpuroriri taribu Marĩpuya taribu wãikũdero ããrĩbú. Iri taribure sĩãgori yukũ peodi, irasũ ããrĩmakũ baari peyaro ããrĩdero ããrĩbú. Iri peyaro weka Marĩpu ĩũrõ pã duparu peyadero ããrĩbú.

3 Iri taribu korema taribu surĩro gasiro merã kãmutadea taribu ããrĩdero ããrĩbú. Iri taribu Marĩpu ããrĩrĩ taribugora wãikũdero ããrĩbú.

4 Iri taribugue ñajãrõ puro sũrõrĩ soemurõ oro merã iridero ããrĩdero ããrĩbú. Iri taribu poekague oro merã õmabiadea kũma, Marĩpu ĩgũ doreri gojadea ãtã majĩrĩ opari kũma ããrĩdero ããrĩbú. Gaji soro oro merã iridea soro Marĩpu masakare ejodea maná wãikũri poga oparisoro, irasũ ããrĩmakũ Aarõyagu tuadi ñasãtuadi iri kũmague ããrĩdero ããrĩbú.

5 Marĩpu iri kũma bureari majĩ weka pẽrã ĩgũrẽ wereboerã kẽdupurikũrã keori weadea merã ĩgũ iri taribugue ããrĩrĩrẽ ĩmudi ããrĩmĩ. ĩgũsãya kẽdupuri merã iri kũma bureari majĩrẽ sãẽ kãmutadero ããrĩbú. Iri bureari majĩ, Marĩpu masakare: “ĩgũsã ñerõ iridea waja wajamoãbirikoa”, ãrĩdeare keori ããrĩdero ããrĩbú. Dapagorare ããrĩpereri iri wiimarẽ werenemomasĩbirikoa.

6 Iri wiimarẽ ãmu ododero purũ, ãmurikũ paía ããrĩpuroriri taribure ñajãunanerã ããrĩmã Marĩpu ĩũrõ ĩgũsã moãrĩrẽ irirã.

7 Paía opu dita gaji taribuguere ñajãunadi ããrĩmĩ. Bojorikũ iri taribuguere suñarõta waimurã díre ãĩ ñajãunadi ããrĩmĩ. Dí marĩrõ neõ ñajãbiridi ããrĩmĩ. Ìgũ basi ñerĩ iridea waja, irasũ ããrĩmakũ masaka Ìgũsã masĩña marĩrõ ñerõ iridea waja iri díre ãĩ ñajãdi ããrĩmĩ, Marĩpũre: “Wajamoãbirikõõka gũare! Gũa ñerõ irideare kãtika!” ãrĩ sërëgũ.

8 I ããrĩpereri merã Õãgũ deyomarĩgũ marĩrẽ ire pémasĩmakũ yámi. Iri wii ããrĩdeapoe masaka Marĩpũre bũremurã, Ìgũ ããrĩrĩ taribugue ñajãbirinerã ããrĩmã.

9 I ããrĩpereri Marĩpũ Ìgũrẽ bũremurĩ wiimarẽ pídeare marĩ buesĩã: “Dapagoraguere marĩ Ìgũrẽ bũremurĩ ãsũ ãrĩduaro yáa”, ãrĩ pémasĩã. Iro dupiyuro paía gajino Marĩpũre sĩrĩ, waimurãrẽ wëjẽ soepeori, masakare: “Marĩpũ Ìũrõ waja opamerã ããrã gũa”, neõ ãrĩ masĩmakũ iribiridero ããrĩbũ.

10 Æsũ ããrã. Marĩpũ Moisére doreri pídea Ìgũ masakare baadoreri, iirídoreri, Ìgũ Ìũrõ koedoreri dita ããrã. Ìgũsãya yũjũpũrãrĩma ããrĩbea. Irasiriro iri doreri marĩrẽ õãrã waamakũ iribeã. Marĩpũ iri dorerire masaka Ìgũsã iriburire pídi ããrĩmĩ. Irire Jesucristo merã gorawayuburo dupiyuro pídi ããrĩmĩ.

11 Cristo gapu paía opu nemorõ ããrĩgũ aarisiadi ããrĩmĩ. Irasirigũ Ìgũ boadeã merã marĩrẽ õãrõ iridi ããrĩmĩ. Marĩpũ Ìũrõ marĩ ñerĩ iridea wajare peredoregũ, Marĩpũ ããrĩrõgue ãmũgasima wiigüe ñajãdi ããrĩmĩ. I nikũma wiire ñajãbiridi ããrĩmĩ. Æmũgasima wii, i nikũma wii nemorõ õãtariri wii, masaka iridea wii meta ããrã.

12 Irasirigũ Cristo, Marĩpũ ããrĩrõgue ãmũgasima wiigue suñarõta ñajãdi ããrĩmĩ. Irogue ñajãgũ, paía oparã i nikũma wiigue Marĩpũ ããrĩrĩ taribuguerẽ cabraya díre, wekũa majĩrãya díre ãĩ ñajãderosũ ãĩ ñajãbiridi ããrĩmĩ. Ĩgũ basi marĩ ñerĩ iridea waja boagũ, Ĩgũya dí merã Marĩpũ ããrĩrõgue ñajãdi ããrĩmĩ, marĩrẽ Marĩpũ merã õãrõ ããrĩnĩkõãburo, ãrĩgũ.

13 Paía oparã cabraya, wekũaya dí merã, wekũgo majĩgõrẽ Ĩgũsã soedea nitĩ merã masakare Ĩgũsã ñerĩ iridea waja Marĩpũya wiigue ñajãmasĩmerãrẽ wẽãsiripeoma. Ĩgũsãrẽ wẽãsiripeomakũ, Marĩpũ ĩũrõ ñerĩrẽ opamerã duja, Marĩpũya wiigue dupaturi ñajãmasĩma doja.

14 Paía oparã wekũaya dí merã, cabraya dí merã masakare iritamuma. Cristo gapũ Ĩgũsã nemorõ Ĩgũya dí merã marĩrẽ õãrõ iritamutarigũ yãmi. Ĩgũ ñerĩ marĩgũ, Õãgũ deyomarĩgũ ããrĩnĩgũ iritamurĩ merã Ĩgũ basi Marĩpũre wiadi ããrĩmĩ curusague boabu. Paía waimũrã Marĩpũre wia, Ĩgũ ĩũrõrẽ soepeorosũ Ĩgũ basi irasũ wiadi ããrĩmĩ. Irasirigũ marĩrẽ Marĩpũ merã neõ õãrõ ããrĩbonerãrẽ taudi ããrĩmĩ, Marĩpũ okanĩgũ dorerire õãrõ irimasĩburo, ãrĩgũ. Irasirigũ marĩ gũñarĩgue: “Marĩpũ gũare wajamoãgũkumi gũa ñerõ iridea waja”, ãrĩ gũñarĩkũnemobirimakũ iridi ããrĩmĩ.

15 Irasirigũ Jesucristo, Marĩpũ Ĩgũ beyenerãrẽ maama werepĩderosũta iridi ããrĩmĩ marĩrẽ taubu. Marĩrẽ taugũ, Marĩpũyarã Ĩgũ merã õãrõ ããrĩnĩmakũ iridi ããrĩmĩ. Irasirirã Marĩpũ Ĩgũyarãrẽ sĩburire oparãkoa. Moisés doreri dita ããrĩmakũ, marĩ ñerĩ iridea waja, waja oparã dita ããrĩbukoa

dapa. Cristo marĩrẽ curusague boabosadi ããrĩmĩ, marĩ ñerĩ iridea waja, waja opabonerãrẽ taubu.

16-17 Æsũ ããrã. Sugũ masakũ ĩgũ boaburo dupiyuro ĩgũyarãrẽ: “Yũ opari musãrẽ dujarokoa”, ãrĩkumi. Irasirigũ ĩgũ boaburo dupiyuro sĩbirikumi dapa. ĩgũ boadero pũrũ, ĩgũyarãrẽ: “Musãrẽ dujarokoa”, ãrĩderosũta ĩgũ opadeare ãĩkuma.

18 Irasiriro Marĩpũ masakare: “Æsũ irigũra”, ãrĩ werepĩpũroridea, waimũrãrẽ wẽjẽ, ĩgũsãya dí béoro marĩrõ wajamarĩdero ããrĩbũ. Waimũrãrẽ wẽjẽ, ĩgũsãya díre béodero pũrũ, Marĩpũ dorerire diayeta irinerã ããrĩmã.

19 Irasirigũ Moisés, Marĩpũ ĩgũ doreri pídeare masakare werepeodi ããrĩmĩ. Pũrũ cabraya díre, wekũa majĩrãya díre deko merã morẽdi ããrĩmĩ. Morẽ odo, hisopo wãĩkũdi dũpũ merã oveja poarire diari merã ñimudea merã tũrãdi ããrĩmĩ. Iri dũpũ merã díre yosa, Marĩpũ dorerire ĩgũ gojadea pũ weka, ããrĩpererã masaka wekadere wẽãsiripeodi ããrĩmĩ.

20 Pũrũ ĩgũsãrẽ ãsũ ãrĩdi ããrĩmĩ: “Marĩpũ marĩrẽ ĩgũ doreri pídea, i dí merã diaye ããrĩmakũ masĩa. I díre ĩãrã, diayeta ĩgũ ãrĩderosũta ĩgũ marĩrẽ iriburire masĩa. Irasirigũ Marĩpũ: ‘Yũ dorerire õãrõ irika!’ ãrĩmĩ”, ãrĩdi ããrĩmĩ Moisés.

21 Pũrũ masakare ĩgũ iriderosũta Marĩpũre bũremurĩ wii wiamũrã gasiri merã ĩgũsã iridea wiire, ããrĩpereri iri wiigue ããrĩrĩdere wẽãsiripeodi ããrĩmĩ.

22 Æsũ ããrã. ĩgũ dorederosũta Marĩpũre bũremurĩ wiimarẽ dí merã wẽãsirimakũ, Marĩpũ irire: “Yũ ĩũrõ õãrĩ ããrã”, ãrĩ ĩãdi ããrĩmĩ. Irasũ

wěāsiribirimakū: “Ōārī āārā”, ārī iābiribodi āārīmí. Irasirigū dí béoro marĩrō, marĩ ñerĩ iridea wajare marĩrē kātimasĩbirikumi.

Jesucristo, ĩgū boari merā marĩ ñerō iridea wajare taudi āārīmí, ārī gojadea

²³ Irasirirā i nikūma wiire, iri wiigue āārĩrdere paía: “Marĩpū iūrō ōārī āārā”, āārīrā, waimurā dí merā wěāsiripeonerā āārímá. I nikūma wii, ūmugasima wii keori dita āārĩdero āārībú. Irasiriro ūmugasima wiire, iri wiigue āārĩrdere: “Marĩpū iūrō ōārī dita āārā”, ārī, waimurā dí nemorō Cristoya dí merā wěāsiripeoro gāamea.

²⁴ Irasirigū Cristo marĩya āārĩburire Marĩpūre sērēbosagu, Marĩpūre buremurĩ wii masaka iridea wiire ñajābiridi āārīmí. Iri wii, ūmugasima wii keori āārĩdero āārībú. Marĩpūya wiigora ūmugasigue āārā. Irasirigū Cristo ūmugasima wiigue ñajādi āārīmí, Marĩpū iūrō marĩya āārĩburire sērēbosabu.

²⁵ Bojorikū sugū paía opū i nikūma wiigue, Marĩpū āārĩrĩ taribugue waimurā dí merā ñajānadi āārīmí. Cristo gapū marĩrē boabosagu, suñarōta ūmugasima wiigue, Marĩpū āārĩrōgue ĩgūya dí merā ñajādi āārīmí.

²⁶ Paía opū dí merā ñajānaderosū irigū, i ūmū āārĩnugādeapoegüeta boa, masādi tamerā irasūta boa, masānikōābodi āārīmí. Suñarōta i ūmū pererínū ejaburi dupiyuro i nikūguere deyoadi āārīmí, ĩgū suñarōta boari merā marĩ āārĩpererā ñerĩ iridea wajare béobu.

²⁷ Āārĩpererā marĩde suñarōta boarākoa. Marĩ boadero pūgū, Marĩpū ĩgū iūrōrē marĩrē

nídoregukumi ĩgũrẽ bũremurãrẽ õãrõ iri, ĩgũrẽ bũremubirinerãrẽ wajamoãbu.

²⁸ Marĩ suñarõta boarosũ, Cristode suñarõta boadi ããrĩmĩ. Irasirigũ ĩgũ boari merã wãrã masaka ñerõ iridea wajare béobosadi ããrĩmĩ. Irasiri odo, ãmugasigue mũrĩa, pũrũ i nikũgue dupaturi aarigukumi doja. Irasũ aarigũ, masaka ñerõ iridea wajare béogũ aarigũ meta irigukumi. ĩgũrẽ usuyari merã yúrãrẽ taugũ aarigukumi, ãmugasigue ĩgũ merã ããrĩburo, ãrĩgũ.

10

¹ Marĩpũ Moisére ĩgũ doreri pídea, pũrũgue ĩgũ Cristo merã masakare õãrõ iriburi keori dita ããrĩdero ããrĩbũ. Cristo masaka ñerĩ iridea wajare béodi ããrĩmĩ. Marĩpũ Moisére doreri pídea gapũ ĩgũsã ñerĩ iridea wajare béomakũ irimasĩbiridero ããrĩbũ. Irasiro iri dorederosũta paía bojorikũ Marĩpũ ĩũrõ waimurãrẽ wějẽ soepeorire irinakere-makũ, masaka ñerĩ iridea wajare béomakũ iri-masĩbiridero ããrĩbũ. ĩgũsãrẽ Marĩpũ ĩũrõ õãrã ããrĩmakũ irimasĩbiridero ããrĩbũ.

² Iri doreri masakare õãrã ããrĩmakũ irimasĩmakũ, suñarõta waimurã wějẽ soepeori merãta ĩgũsã ñerĩ iridea wajare béosũbonerã ããrĩmã. “Waja opamerã ããrã”, ãrĩ gũñabonerã ããrĩmã. Irasirirã, Marĩpũ ĩũrõ ĩgũsã waimurã wějẽ soepeorire pirikõãbonerã ããrĩmã.

³ Æsũ gapũ ããrĩdero ããrĩbũ. Marĩpũ, bojorikũ ĩgũsã waimurãrẽ wějẽ soepeodea merã ĩgũsã ñerõ irideare gũñamakũ iridi ããrĩmĩ.

⁴ Irasirirã wekũaya dí, cabraya dí merã marĩ ñerĩ iridea wajare neõ béomasĩbea.

⁵ Irasirigũ Cristo i nikũguere aariburo dupiyuro ãgũ Pagũre ãsũ ãrĩdi ããrĩmĩ:

Mũ ãũrõ ãgũsã waimũrãrẽ wẽjẽ soepeorire, gajino ãgũsã mũrẽ sĩrĩdere gããmebea. Irasirigũ yũre dupũkũgũ deyoamakũ irigũkoa, ãgũsã ñerõ iridea waja ãgũsãrẽ boabosadoregũ.

⁶ Masaka ãgũsã ñerõ irideare kãtidoredũarã, mũ ãũrõ ãgũsã waimũrãrẽ wẽjẽ soepeorire, gajino ãgũsã mũrẽ sĩrĩdere Ƴsũyari merã ããbea.

⁷ Irasirigũ yũ ãsũ ãrĩbũ: “Mũ, yũ Opũ ããrã. Irasirigũ mũya werenĩrĩ gojadea pũgue gojaderosũta mũ gããmerĩrẽ irigũ waagũra”, ãrĩdi ããrĩmĩ Cristo ãgũ Pagũre.✧

⁸ Irire ãrĩgũ, ire ãrĩpũroridi ããrĩmĩ Marĩpũre: “Mũ ãũrõ ãgũsã waimũrãrẽ wẽjẽ soepeorire, gajino ãgũsã mũrẽ sĩrĩdere gããmebea. ãgũsã irasũ iririre Ƴsũyari merã ããbea”, ãrĩdi ããrĩmĩ Marĩpũ dorederosũ ãgũsã irikeremakũ.

⁹ Pũrũ ãsũ ãrĩnmodi ããrĩmĩ: “Mũ, yũ Opũ ããrã. Irasirigũ mũ gããmerĩrẽ irigũ waagũra”, ãrĩdi ããrĩmĩ. Irasirigũ Marĩpũ ãgũ masakare waimũrãrẽ wẽjẽ soepeodoredeare bẽodi ããrĩmĩ. Irire bẽogu: “Cristo boari merã gapũ masakare ãgũsã ñerĩ iridea wajare taugũra”, ãrĩ werepĩdi ããrĩmĩ.

¹⁰ Jesucristo, Marĩpũ gããmederosũta ãgũ basita Marĩpũre wiadi ããrĩmĩ, marĩ ããrĩpererãrẽ suñarõta boabosagu. Irasirigũ ãgũ boari merã Marĩpũ marĩrẽ ãgũyarã õãrã, waja opamerã ããrĩmakũ iridi ããrĩmĩ.

¹¹ ããrĩpererinũrĩ Marĩpũ ãũrõ judío masaka paia waimũrãrẽ wẽjẽ soepeonĩkõãma. Irasirikeremakũ, marĩ ñerĩ iridea wajare neõ bẽomakũ irimasĩbea.

✧ 10:7 Sal 40.6-8

12 Jesucristo gapu suñarōta marĩrē boabosadi ããrĩmĩ, marĩ ñerĩ iridea wajare béobu. Irire irasiri odo, ãmugasigue Marĩpu diaye gapu doadi ããrĩmĩ marĩ Opu ããrĩgá.

13 Iroguere doagũ, ĩgũrē ĩãturĩrãrē Marĩpu tarinũgãbosaburire yũgũ yámi.

14 ĩgũta suñarōta boari merã ĩgũyarãrē õãrã, waja opamerã ããrĩnĩmakũ iridi ããrĩmĩ.

15 Jesucristo irasũ irideare Õãgũ deyomarĩgũ marĩrē: “Irasũta ããrã”, ãrĩ masĩmakũ yámi. Æsũ ãrĩ weredi ããrĩmĩ:

16 Mũsã Opu ãsũ ãrĩmi: “Pũruguerẽ yaarãrē ãsũ ãrĩ werẽgũra: ‘Yũ dorerire ĩgũsãrē iridũamakũ irigũkoa. Yũ dorerire gũña pemasĩmakũ irigũkoa’ ”.✠

17 Idere ãrĩnemomi: “ĩgũsã ñerõ irideare dupaturi neõ gũñanemobirikoa”, ãrĩmi, ãrĩ weredi ããrĩmĩ Õãgũ deyomarĩgũ.✠

18 Irasirirã marĩ ñerĩ irideare Marĩpu kãtisũnerã ããrã. Dupaturi marĩ ñerĩ iridea wajare waimũrã wẽjẽ soepeerire gããmenemobea.

Marĩpu ããrĩrõgue ñajãrã irirosũ marĩya ããrĩburire ĩgũrē sērẽrõ gããmea, ãrĩ gojadea

19 Irasirirã dapagorare marĩ ãmugasigue Marĩpuya wiigue ĩgũ ããrĩrĩ taribugorague ñajãrã irirosũ gũiro marĩrõ ĩgũrē diaye sērẽmasĩa. Jesucristo marĩrē boabosagu dí béodea merã irasirimasĩa.

20 Jesucristo boaburi dupiyuro Marĩpu ããrĩrĩ taribugoraguere paía opu dita iri taribu makãpũro

kāmutari gasirore tariñajādi āārīmí, masakaya āārīburire Marīp̄ure sērēbosabu. Jesucristo gap̄u ĩgū boadea merā Marīp̄u merā marī ōārō āārīrīrē kāmutadeare béodi āārīmí. Irasirirā dapagorare marī Jesucristo marīrē boabosadea merā Marīp̄u āārīrōguere ñajārā irirosū marīya āārīburire Marīp̄ure diaye sērēmasīa.

21 Jesucristo paía op̄u nemorō paí āārīgú Marīp̄u āārīrōgue marīya āārīburire sērēbosagu āārīmí. Irogue ĩgū marīrē Marīp̄uyarārē ōārō doreḡu āārīmí.

22 Irasirirā diaye gūñarī merā, b̄remurīrē neō piriro marīrō merā Marīp̄u āārīrōgue ñajārā irirosū marī ĩgūrē diaye sērērō gāamea. Cristo ĩgū boadea merā marīrē waja opamerā āārīmakū iridi āārīmí: “Ñerī iridea waja, waja oparā āārā ḡu”, ārī neō gūñarik̄nemobirikōāburo, ārīgū. Irasirirā ḡurari marīrī deko merā marīya d̄p̄ure túkoenerā irirosū Marīp̄u ĩūrō ōārā āārā.

23 Marīp̄u marīrē: “Tauḡra”, ārīderosūta iriḡukumí. Irasirirā marīrē ĩgū ārīdeare b̄remup̄roriderosūta piriro marīrō ōārō us̄yari merā b̄remuwāgānīkōārā!

24 Gajirā Jesúre b̄remurādere gūñarā! Irasirirā gāme iritamurā! Gāme maīrī merā ōārō irirā!

25 Piriro marīrō merā Marīp̄uyare nerē buerā! Surāyeri marī merā nerē buemerā irirosū iribirikōārā! Marī Op̄u i nikūguere dupaturi aariburo mérō d̄yáa. Irasirirā irire masīrā, gāme iritamurō gāamea ĩgūrē b̄remunemomurā.

26 Marīp̄u marīrē Jesúya kerere: “Diayeta āārā”, ārī masīmakū iridero p̄r̄u, marī ñerī irid̄uarire

piriro marĩrõ iriwãgãníkõãrã, marĩ ñerõ iridea waja Jesucristo ïgũ boadea merã marĩrẽ taudeare béobukoa. Irire béomakũ, dupaturi ïgũ marĩrẽ boabosari neõ máa.

²⁷ Marĩ ïgũ taudeare béomakũ ïãgũ, Marĩpu ããrĩpererã ïgũrẽ ïaturirãrẽ burõ wajamoãgũ, marĩdere ïgũsã merã perebiri peamegue béogukumi. Irasirirã marĩrẽ gajirã ïgũyare béonerã merã ïgũ wajamoãburire burõ gũiri merã ããrĩbukoa.

²⁸ Iripoegue marã Moisés dorerire tarinugãgũrẽ wajamoãnerã ããrĩmá. ïgũ ñerõ irideare pẽrã, o urerã ïã, ïgũrẽ weresãdero puru, Marĩpu dorederosũta neõ bopoñarĩ merã ïãrõ marĩrõ ïgũrẽ wẽjẽnerã ããrĩmá.

²⁹ ¿Naásũ gũñarĩ musã? ïgũrẽ wajamoãdero nemorõ Marĩpu magũrẽ ïaturigunorẽ burõ wajamoãgukumi. ïgũ magũya dí béodea merã Marĩpu marĩrẽ: “Oãrã, waja opamerã ããrĩma”, ãrĩ ïãdi ããrĩmí. Iripoegue irire werepídi ããrĩmí. Irasirigu Jesucristoya dí béodeare: “Wajamáa”, ãrĩrãrẽ, Õãgũ deyomarĩgũrẽ Marĩpu marĩrẽ maĩrĩrẽ masĩmakũ irigure ñerõ werenĩrãrẽ burõ wajamoãgukumi.

³⁰ Marĩ Opũ ãrĩdeare masĩa marĩ. Ásũ ãrĩdi ããrĩmí: “Yu ããrã, waja oparãrẽ wajamoãbu. ïgũsã ñerĩ iridea waja ïgũsãrẽ wajamoãgura”, ãrĩdi ããrĩmí. Ásũ ãrĩnemodi ããrĩmí doja: “Yaarã iririre ïãgũ, ïgũsãrẽ diayemarẽ irigura”, ãrĩdi ããrĩmí.

³¹ Marĩpu okanĩgũ masakare wajamoãrĩ burõ goeri ããrã.

³² Musã iripoegue ããrĩdeare gũñaka! Marĩpu musãrẽ Jesucristoya kerere masĩnugãmakũ iridero

puṛu, gajirã mʉsãrẽ ñerõ tarimakũ irinerã ããrĩmã. Irasirikeremakũ, mʉsã gapu ãgũrẽ bʉremurĩrẽ neõ piribirinerã ããrĩbũ.

³³ Masaka ãũrõ gajirã surãyeri mʉsãrẽ ñerõ werení, ñerõ iribiranerã ããrĩmã. Gajipoe mʉsã merãmarãrẽ gajirã ñerõ iribiramakũ ããrã, ãgũsãrẽ béobiri, mʉsãde ãgũsã merã ñerõ iribirasũnerã ããrĩbũ.

³⁴ Surãyeri mʉsã merãmarã peresugue ããrĩmakũ ããrã, bopoñarĩ merã ããrã, ãgũsãrẽ iritamunerã ããrĩbũ. Gajirã mʉsãyare emakeremakũ, usuyari merã: “Õãrokoa”, ãrĩnerã ããrĩbũ. I nikũma nemorõ õãrĩ perebiriburire ãmagasiguere mʉsã opaburire masĩnerã ããrĩbũ. Irasirirã mʉsã oparire ãgũsã emamakũ, bʉjawerebirinerã ããrĩbũ.

³⁵ Irasirirã Jesucristore gũñaturanĩkõãka! ãgũrẽ bʉremurĩrẽ neõ piribirikõãka! ãgũrẽ bʉremurã, wãri õãrĩrẽ wajatarãkoa.

³⁶ Mʉsãrẽ õãrõ gũñaturari merã Marĩpu gããmerĩrẽ irinĩkõãrõ gããmea. Irasirirã, ãgũ: “Õãrĩrẽ sĩgura”, ãrĩdeare oparãkoa.

³⁷ Marĩpu ãsũ ãrĩdi ããrĩmĩ ãgũya werenĩrĩ gojadea pũgue:

Mérõ dʉyãa yu iriudi i ãmaguere dupaturi aariburo. Yooboro marĩrõ e jagukumi.

³⁸ ãgũrẽ bʉremurãrẽ: “Õãrõ irirã, yaarã ããrĩma”, ãrĩ ããrã. Yu merã ããrĩnĩkõãrãkuma. ãgũrẽ bʉremurĩrẽ pirirã gapure suyubirikoã, ãrĩdi ããrĩmĩ Marĩpu.✧

³⁹ Marĩ gapu ãgũrẽ bʉremurĩrẽ pirirã irirosũ ããrĩbea. Irasirirã perebiri peamegue waamurã

✧ 10:38 Hab 2.3-4

ããrĩbea. Marĩ Jesucristore bũremua. Irasirirã ĩgũ taunerã, ĩgũ pũro waamurã ããrã.

11

Marĩpũre bũremurĩmarẽ gojadea

¹ Marĩpũre bũremurã: “Ĩgũ marĩrẽ: ‘Õãrĩrẽ sĩgũra’, ãrĩdeare diayeta sĩgũkumi”, ãrĩ bũremua. Irire ĩãbirikererã, ĩãrã irirosũ: “Diayeta ããrã, ĩgũ ãrĩdeare oparãkoa”, ãrĩ bũremua.

² Iripoeguere marĩ ñekũsãmarã ĩgũrẽ bũremumakũ, ĩgũsãrẽ: “Õãrã ããrĩma”, ãrĩ ĩãdi ããrĩmĩ.

³ Marĩpũre bũremurĩ merã: “Ĩgũ werenĩrĩ merã i ãmũma ããrĩpereri ããrĩmakũ iridi ããrĩmĩ. Irasirigu iro dupiyuro neõ marĩdeare i ãmũmarẽ ããrĩpereri marĩ dapagora ĩãrĩrẽ iridi ããrĩmĩ”, ãrĩ masĩa.

⁴ Iripoeguemu Abel Marĩpũre bũremusĩã, ĩgũ ĩũrõ oveja majĩgũrẽ wẽjẽ soepeogu, ĩgũ tĩgũ Caĩn sĩdea nemorõ sĩdi ããrĩmĩ. Marĩpũ, Abel ĩgũrẽ bũremurĩrẽ ĩãgũ, ĩgũ sĩdeare: “Õãgorãã”, ãrĩdi ããrĩmĩ. Irasirigu ĩgũrẽ: “Õãgũ ããrĩmĩ”, ãrĩ ĩãdi ããrĩmĩ. Abel iripoegue boadi ããrĩkeremakũ, ĩgũ Marĩpũre bũremurĩ merã irideare marĩde gũñãã. Irasirirã ĩgũ bũremuderosũta marĩdere Marĩpũre bũremurõ gããmea.

⁵ Enoc Marĩpũre bũremusĩã, boabiridi ããrĩmĩ. ĩgũ boabirikeremakũ, Marĩpũ ĩgũrẽ ãĩmũrĩãkõãdi ããrĩmĩ. Masaka ĩgũrẽ ãmakererã, neõ bokabirinerã ããrĩmã. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ Enorẽ ãĩmũrĩaburi dupiyuro usũyari merã ĩãdi ããrĩmĩ”.

⁶ Marĩpũre marĩ bũremumerã ĩgũrẽ usuyamakũ irimasĩbea. ĩgũrẽ sērēgũno: “Diayeta ĩgũ Marĩpũgora aãrĩmi”, aĩrĩ gũñarõ gããmea. “Marĩ ĩgũrẽ bũremurĩ merã sērērĩrẽ õãrõ pemi”, aĩrĩ gũñarõ gããmea. Marĩ irire gũñamerã ĩgũrẽ sērēmasĩbea.

⁷ Noé Marĩpũre bũremusĩã, Marĩpũ ĩgũrẽ: “Mu neõ ĩãbiridea merã i nikũ marãrẽ ĩgũsã yũre bũremubiri waja bũro wajamoãgura”, aĩrĩdeare bũremudi aãrĩmĩ. Irasirigũ, Marĩpũ dorederosũta wãdiru doódiru iridi aãrĩmĩ, ĩgũyarã merã dia mirĩburire taribu. Marĩpũre bũremusĩã, i nikũ marãrẽ ĩgũsã ĩgũrẽ bũremubirire masĩmakũ iridi aãrĩmĩ. Marĩpũ, ĩgũrẽ bũremumakũ: “Õãgũ aãrĩmi”, aĩrĩ ĩãdi aãrĩmĩ.

⁸ Abraham Marĩpũre bũremusĩã: “Gaji nikũ yũ mũrẽ sĩburi nikũgue waaka!” aĩrĩmakũ pégũ, ĩgũrẽ yũjudi aãrĩmĩ. “Irogue waagũ irikoa”, aĩrĩmasĩbirikeregu, ĩgũya nikũrẽ wiriwãgãdi aãrĩmĩ.

⁹ Marĩpũ ĩgũrẽ: “Iri nikũrẽ sĩgũra”, aĩrĩdeare bũremugũ, iri nikũgue eja, aãrĩmejãjadi aãrĩmĩ. Iro aãrĩmejãjakeregu, gaji nikũmũ irirosũ surĩ gasiri merã iridea wiiri merã naaunadi aãrĩmĩ mũrãrõ aãrĩbirisĩã. Marĩpũ ĩgũ magũ Isaare, ĩgũ parãmi Jacore: “Iri nikũrẽ sĩgũra mũsãdere”, aĩrĩmakũ, ĩgũsãde Abraham irirosũta iri nikũgue naaunanerã aãrĩmã.

¹⁰ Abraham iri nikũrẽ naagũ, makãrĩ iribiridi aãrĩmĩ. Gaji makãgue Marĩpũ aãrĩrĩ makãgue ãmũgasigue ĩgũ waaburire yũgũ iridi aãrĩmĩ. Iri makã Marĩpũ iridea makã neõ perebiri makã aãrã.

¹¹ Abraham marãpo Sara pũrã marĩdeo Marĩpũre bũremusĩã, búrogora aãrĩkerego: “Marĩpũ

ãrĩderosũta yure irigũkumi”, ãrĩ bũremurĩ merã pũrãkũdeo ããrĩmó.

12 Irasirigũ Abraham bũgũrogora ããrĩkeregũ, Sara merã majĩgũrẽ pũrãkũdi ããrĩmĩ. Ĩgũ parãmerã ããrĩturiarã wárã ããrĩnerã ããrĩmã. Neñukãrẽ, ĩmipa yerire keo bokatĩũña marĩrõ irirosũ ĩgũsãrẽ keo bokatĩũmasĩña máa.

13 ããrĩpererã, Marĩpũ ĩgũsãrẽ: “Sĩgũra”, ãrĩdeare neõ opamerãgue boanerã ããrĩmã. Irire opabirikererã, gũñaturari merã: “Marĩpũ ĩgũ ãrĩderosũta pũrũgue sũgũkumi gũare”, ãrĩ, ĩgũrẽ bũremunĩkõãnerã ããrĩmã. Irasirĩrã gajirãrẽ: “Gaji nikũ marã irirosũ i nikũgue naarã dita ããrã”, ãrĩ werenerã ããrĩmã.

14 ĩgũsã irirosũta irire ãrĩrãno, gaji nikũ, ĩgũsãya nikũ ããrĩburire ãmarã yãma. Irire õãrõ masĩa marĩ.

15 Marĩ ñekũsãmarã: “Gaji nikũ marã ããrã”, ãrĩrã, ĩgũsã béowãgãdea nikũrẽ gũñabirinerã ããrĩmã. Irasũ ãrĩ gũñarã, goedujãakõãbonerã ããrĩmã.

16 I nikũ nemorõ ãmũgasigue õãrĩ nikũ gapũre: “Bũro waadũakoa”, ãrĩ gũñanerã ããrĩmã. Irasirigũ Marĩpũ ĩgũsã ĩgũrẽ: “Gũa Opũ ããrĩmi”, ãrĩmakũ pégũ, gũyasĩrĩrĩ marĩrõ: “Ĩgũsã Opũ ããrã”, ãrĩdi ããrĩmĩ. ĩgũ pũro ĩgũsãya makã ããrĩburore ãmubosasiadi ããrĩmĩ.

17 Marĩpũ Abrahãrẽ: “¿Diayeta yure bũremugũ yãrĩ?” ãrĩ gũñagũ, ĩgũrẽ: “Yũ ĩũrõ mũ magũ Isaare wẽjẽ soepeoka!” ãrĩdi ããrĩmĩ. Abraham gapũ Marĩpũre bũremusĩã: “Neõ yũ magũ sugũ ããrĩgũrẽ wẽjẽ soepeobirikoa”, ãrĩbiridi ããrĩmĩ.

18 Iro dupiyurogue Marĩpũ ĩgũrẽ: “Mũ magũ Isaac merã mũ parãmerã ããrĩturiarãrẽ opagũkoa”,

ãrĩsũdi ããrĩkeregũ, Abraham Marĩpũre: “Yũ magũrẽ neõ wẽjẽ soepeobirikoa”, ãrĩbiridi ããrĩmĩ.

19 Abraham: “Marĩpũ ãgũ turari merã boanerãrẽ masũmasĩsĩã, yũ magũrẽ wẽjẽkeremakũ, masũgũkumi”, ãrĩ gũñadi ããrĩmĩ. Irasirigũ, Marĩpũ Abrahãrẽ kãmutagũ: “Mũ magũrẽ wẽjẽbirikõãka!” ãrĩdi ããrĩmĩ. Irasirirã ire masĩa. Abraham ãgũ magũrẽ boadigue masãdi irirosũ dupaturi opadi ããrĩmĩ.

20 Isaac Marĩpũre bũremusĩã, ãgũ pũrã Jacore, Esaúre: “Pũrũgue Marĩpũ mũsarẽ õãrõ irigũkumi”, ãrĩdi ããrĩmĩ.

21 Jacob Marĩpũre bũremusĩã, ãgũ boaburo dupiyurogã ãgũ tuadi merã tuawãgãnũgãja, Marĩpũre sãrẽ bũremudi ããrĩmĩ. Irasirigũ ãgũ magũ José pũrãrẽ: “Marĩpũ mũsarẽ õãrõ iritamuburo”, ãrĩdi ããrĩmĩ.

22 José Marĩpũre bũremusĩã, ãgũ boaburo dupiyurogã ãgũ pũrãrẽ ãsũ ãrĩ weredi ããrĩmĩ: “Marĩ parãmerã ããrĩturiarã Egiptogue ããrĩrã pũrũ wirirãkuma”, ãrĩdi ããrĩmĩ. “Irore wirirã, yaa gõãrĩrẽ ãĩaburo, ãgũsã ejari nikũgue yãamurã”, ãrĩdi ããrĩmĩ.

23 Moisés pagũsãmarã Marĩpũre bũremusĩã, Moisés deyoadero pũrũ, ãgũ õãgũ ããrĩmakũ ããrã, urredã abegora ãgũrẽ duripínerã ããrĩmã. Egipto marã opũ: “Israel bumarã majĩrã ãmarẽ wẽjẽburo”, ãrĩ doregũ ããrĩdi ããrĩmĩ. Moisés pagũsãmarã gapũ: “Marĩpũ marĩrẽ iritamugũkumi”, ãrĩ gũñarã, iri dorerire gũiri marĩrõ tarinũgãnerã ããrĩmã.

24 Pũrũ Moisés Egipto marã opũ magõ masũdi ããrĩkeregũ, Marĩpũre bũremusĩã: “Igo magũ

ããrĩmĩ”, ĩgũsã ãrĩmakũ péduabiridi ããrĩmĩ.

²⁵ Āsũ gapu iridũadi ããrĩmĩ. Marĩpuyarã Israel bumarã merã ñerõ taridũadi ããrĩmĩ. Egipto marã merã wári opakeregu, ĩgũsã merã ããrĩduabiridi ããrĩmĩ. ĩgũsã ñerĩ iriri gapu iridũabiridi ããrĩmĩ.

²⁶ Irasirigu ñerõ tarikeregu, Egipto marã opari nemorõ Cristo Marĩpu iriubuyarã merã ñerõ tariburire suyudi ããrĩmĩ. Pũrgue Marĩpu ĩgũrẽ õãrĩrẽ sĩburire masĩgũ, ĩgũsã merã ñerõ taridũadi ããrĩmĩ.

²⁷ Moisés Marĩpũre bũremusĩã, Egipto marã opu ĩgũ merã guamakũ ĩãgũ: “Marĩpu yũre iritamugukumi”, ãrĩ, irore ããrĩdi gũiri marĩrõ wiridi ããrĩmĩ. Irasirigu Marĩpu deyomarĩgũrẽ ĩãgũ irirosũ ĩgũ: “Marĩpu iritamurĩ merã ãsũ irigũra”, ãrĩrĩrẽ neõ gorawayuro marĩrõ iridi ããrĩmĩ.

²⁸ Moisés Marĩpũre bũremusĩã, Israel bumarãrẽ Egiptogue ããrĩrãrẽ ãĩwiuburi dupiyuro pascua wãĩkũri bosenu iripũroridi ããrĩmĩ. Irasirigu Marĩpu dorederosũta Moisés Israel bumarãrẽ oveja majĩrãrẽ wẽjẽdore, ĩgũsãya dí merã makãpũrorire wũkãdoredi ããrĩmĩ. Irire ĩãgũ, Marĩpũre wereboegu Egipto marã masã tĩrã ũmarẽ wẽjẽgũ, Israel bumarã masã tĩrã gapũre wẽjẽbiridi ããrĩmĩ.

²⁹ Israel bumarã Marĩpũre bũremusĩã, dia wãdiya deko diadiya deko dukawanũgãdea maa bojoñajãri maarẽ taribujanerã ããrĩmã. ĩgũsã irasũ taribujamakũ ĩãrã, Egipto marã gapu ĩgũsãrẽ tũya taribujanerã, mirĩ boakõãnerã ããrĩmã.

³⁰ Israel bumarã Marĩpũre bũremusĩã, Jericó tũroma sãrĩrõrẽ ũtã majĩrĩ merã iridea sãrĩrõrẽ

su mojõma pere gaji mojõ peru pērēbejarinurĩ iri makārē ĩgūsā gāmegorodero p̄r̄u, iri sārĩrõ meémejëdero āārĩbú.

³¹ Iro dupiyuro iri makāmo ũma merā ñerõ irideo, Rahab wāĩkũgo Marĩp̄re b̄remusiā, Israel bumarā iri makārē ĩādurirā ejarārē iritamudeo āārĩmó. Irasirigo iri makā marā Marĩp̄r̄u dorerire tarinũgārā merā boabirideo āārĩmó.

³² ¿Ñeénorē werenemogũkuri yu? Gajirā Marĩp̄re b̄remurā: Gedeón, Barac, Sansón, Jefté, David, Samuel irideare, irasũ āārĩmakũ Marĩp̄ya kerere weredupiyunerā irideare weregu, werepeobiribukoa.

³³ ĩgūsā Marĩp̄re b̄remusiā, gaji nikũgue āārĩrĩ makārĩ marārē gāmewējē, tarinũgānerā āārĩmá. ĩgūsāyarā masakare diaye dorenerā āārĩmá. Marĩp̄r̄u: “M̄sārē õārõ iritamuḡara”, ārĩderosũta ĩgūsārē õārõ iritamudi āārĩmĩ. Ēõkayea ĩgūsārē baabonerārē disirire biamakũ irinerā āārĩmá.

³⁴ Surāyeri peame b̄ro asirogue béosũkererā, ũjũbirinerā āārĩmá. Gajirā, sareri majĩrĩ merā sare wējēduamakũ, tarinerā āārĩmá. Turamerā āārĩkererā, Marĩp̄re b̄remusiā, turarā waanerā āārĩmá. Irasirirā gaji nikũ marā ĩgūsārē ĩāturirārē gāmewējē tarinũgānerā āārĩmá.

³⁵ Surāyeri nome ĩgūsāyarā boanerāgue dupaturi okamakũ ĩānerā āārĩmá.

Gajirā Marĩp̄re ĩgūsā b̄remurĩrē piriduabiri waja peresugue b̄ro ñerõ iribirari merā boanerā āārĩmá. ĩgūsā p̄rugue masā, Marĩp̄r̄u merā ũmugasigue õārõ āārĩburire gāāmesĩā, ĩgūrē b̄remurĩrē piriduabirinerā āārĩmá.

³⁶ Gajirã Marĩpũre bũremurã, bũridari merã bũro tãrãsũnerã ããrĩmã. Gajirã ãgũsãya guburi, mojørĩrẽ kũme dari merã sua, peresugue biado-bosũnerã ããrĩmã.

³⁷ Gajirã ãtãyeri merã dea wẽjẽsũnerã ããrĩmã. Gajirã ãgũsãya dupũre wiiriro merã wiritã wẽjẽsũnerã ããrĩmã. Gajirã sareri majĩrĩ merã wẽjẽsũnerã ããrĩmã. Gajirã surĩ marĩrã, oveja gasiri, cabra gasiri merã surĩkũrã waagorenanerã ããrĩmã. Bũro boporo tarinerã ããrĩmã.

³⁸ I nikũgue ããrĩkererã, i nikũ marã ñerã irirosũ neõ ããrĩbirinerã ããrĩmã. Õãrã ããrĩnerã ããrĩmã. Surãyeri wiiri marĩrã, masaka marĩrõgue, ãtãyukugue waagorenanerã ããrĩmã. ãtãyukugue ããrĩrĩ goberigugue, yebague ããrĩrĩ goberiguedere kãrĩgorenanerã ããrĩmã.

³⁹ Marĩpũ ãgũrẽ bũremurãrẽ ããrĩpererãrẽ: “Õãrõ yãma”, ãrĩ ããrĩmã. ãgũrẽ õãrõ bũremukererã, ãgũ ããrĩpereri ãgũsãrẽ: “Ãsũ irigura”, ãrĩdeare ãgũsã boaburi dupiyuro bokabirinerã ããrĩmã dapa.

⁴⁰ Marĩpũ ãsũ ãrĩ gũñasiadi ããrĩmã: “ãgũsãrẽ, pũrugue marã yũre bũremurãdere suro merã yũ merã õãrõ ããrĩmakũ irigura”, ãrĩdi ããrĩmã. ãgũ ãrĩderosũta irigukumi. Irasiriro ãgũ iro dupiyuro iridero nemorõ, ãgũ Jesucristo merã iridea ãgũsãrẽ, marĩdere õãtariro ããrĩrokoa.

12

Jesũre ããkũĩ gũñãndorerimarẽ gojãdea

¹ Iripoegue marã wãrã yũ werenerã ãgũsã iridea merã ãgũsã Marĩpũre bũremurĩrẽ ãmunerã ããrĩmã. Irasirirã marĩ, ãgũsã ããnãgãmegorosũrã irirosũ sugũ

ũma birarimasũ õãrõ ũmaduagu ããrĩpereri nukũrĩrẽ
pirirosũ, õãrõ iriduarã ããrĩpereri ñerõ iririre piriro
gããmea. Irire pirirã, Marĩpũ gããmederosũta õãrĩ
gapure gũñaturari merã iriwãgãnikõãrõ gããmea.

² Irasirirã Jesúre ããkũĩ gũñanikõãrã! Ìgũta marĩrẽ
Marĩpũre bũremunugãmakũ iridi, marĩrẽ piriro
marĩrõ Ìgũrẽ bũremuwãgãnikõãmakũ irigu ããrĩmĩ.
Bũro poyari merã ñegũ irirosũ curusague boagu,
guyasĩrĩbodi ããrĩkeregu, Ìgũ purugue usuyaburire
masĩsã, guyasĩrĩbiridi ããrĩmĩ. Masã mũrĩadero
pũrũ, dorebu Marĩpũ diaye gapũ doadi ããrĩmĩ.

³ Irasirirã Jesús waadeare gũñaka! Ñerã Ìgũrẽ
bũro ñerõ tarimakũ irinerã ããrĩmã. Irasirirã
mũsãde ñerõ tarirã, õãrõ yũpũrãkũ, piriro marĩrõ
Ìgũrẽ gũñaturanikõãka!

⁴ Ñerã ñerĩrẽ iridorerire mũsã tarinugãduamakũ
ĩãrã, mũsãrẽ wẽjẽñabema dapa.

⁵ ¿Marĩpũ mũsãrẽ Ìgũ pũrãrẽ weredeare
kãtiakõãrĩ? Ìgũya werenĩrĩ gojadea pũgue ãsũ
ãrĩdi ããrĩmĩ:

Yũ magũ, yũ mũ Opũ, mũrẽ õãrõ iriburo, ãrĩgũ, wa-
jamoãrĩrẽ pémasĩka! Mũrẽ: “Ñerĩrẽ iropata
irika!” ãrĩmakũ pégu, bũjawerebirikõãka!

⁶ ãsũ ããrã. Yũ maĩrãrẽ: “Ñerĩrẽ irimerãta!”
ãrĩ, pũrĩrõ páro irirosũ werea. Yũ pũrã
ããrĩpererãrẽ wajamoãa õãrõ iridoregu, ãrĩdi
ããrĩmĩ.✧

⁷ Marĩpũ mũsãrẽ wajamoãmakũ ããrã, Ìgũrẽ õãrõ
yũjuka! Sugu pagũ Ìgũ magũ ñerõ irimakũ ããgũ,
Ìgũrẽ wajamoãkumi. Irasũta Marĩpũ, marĩ ñerõ

✧ 12:6 Job 5.17; Pr 3.11-12

irimakũ ããgũ, marĩrẽ ãgũ pũrãrẽ pũrĩrõ páro irirosũ weregukumi õãrõ iriburo, ãrĩgũ.

⁸ Marĩpũ ããrĩpererã ãgũ pũrãrẽ ãgũsã ñerõ iridea waja pũrĩrõ páro irirosũ weremi. ãgũ werebiri-makũ, mũsã ãgũ pũrã ããrĩbiribukoa. Pagũ marĩrã, ñerõ irisĩã bokasũnerã irirosũ ããrĩbukoa.

⁹ Marĩ majĩrã ããrĩmakũ, marĩ pagũsãmarã marĩ ñerõ iriri waja pũrĩrõ páro irirosũ weremakũ, ãgũsãrẽ bũremubũ. Irasirirã marĩ pagũsãmarãrẽ bũremurĩ merã yũjũro nemorõ, Marĩpũ ãmũgasigue ããrĩgũrẽ bũremurĩ merã õãrõ yũjũro gããmea. ãgũrẽ bũremurã, ãgũ merã õãrõ ããrĩrãkoa.

¹⁰ Marĩ ñerõ irimakũ, marĩ pagũsãmarã ãgũsã gããmerõsũ yoabiripoe wajamoãma. Marĩpũ gapũ diayema merã wajamoãmi, marĩrẽ ãgũ irirosũ õãrã ããrĩmakũ irigũ.

¹¹ Diayeta ããrã. Marĩpũ marĩrẽ wajamoãmakũ, mũsũyabea. Marĩ bũjawerekererã, ãgũ marĩrẽ wajamoãdero pũrũ, marĩ ãgũrẽ õãrõ yũjũrã, diayema iririre iri, ãgũ merã siñajãrĩ oparãkoa.

Marĩpũ werenĩrẽ pẽdũabirimakũ goegorãa marĩrẽ, ãrĩ gojãdea

¹² Irasirirã mũsã Marĩpũre bũremuturamerã ããrĩbirikõãka! ãgũrẽ õãrõ gũñaturanemoka! ãgũyare pĩriro marĩrõ õãrõ iritũyaka!

¹³ Õãrõ diayema irika! Gajirã Marĩpũre gũñaturamerã, mũsã irasirimakũ ããkũĩrã, gũñaturari merã ãgũyare iritũyarãkuma.

¹⁴ ããrĩpererã masaka merã gãmekẽãrõ marĩrõ õãrõ ããrĩrikũka! Ñerõ iriro marĩrõ ããrĩka! Ñerĩ marĩrã dita marĩ Opũ Jesucristore ããrãkuma.

15 Ōārō pémasīka! Marīpu musārē iritamurīrē: “Gāāmebirikoa”, āribirikōāka! Ŋerī tá puri masā, ōārī oteri gapure poyanorērokoa. Musāde ŋerīrē irirā, gajirārē poyanorērākoa. Irasirirā ŋerīrē iribirikōāka!

16 Sugu ĩgū marāpo āārībeo merā, neō sugo igo marāpu āārībi merā ŋerō iribirikōāburo. Marīpu yadere gāāmemerā irirosū neō āārībirikōāka! Iripoeguem Esau Marīpu yare gāāmebiridi āārīmí. ĩgū masā tġgū āārīsīā, ĩgū paguyare ĩgū boadero puru opabu āārīkeregu, sunu buru haboa, baari merā ĩgū pagumurē ĩgū opabodeare gorawayudi āārīmí.

17 ĩgū irasiridero puru waadeare masīa musā. Esau, ĩgū pagu ĩgūrē: “Yu sīburi merā ōārō āārīgukoa”, āriburire péduakeremakū, ĩgū pagu gapu ĩgūrē: “Mu pagumurē sīsiabu irire”, ārīdi āārīmí. ĩgū irasū ārīmakū pégu, Esau buru oreri merā ĩgū gapure: “Sīka yare!” ārī sērēkeregu, ĩgū pagu ĩgūrē sīmakū neō irimasībiridi āārīmí.

18 Marīpu ĩgū dorerire Moisére pímakūguere marī ŋekūsāmārā Israel bumarā Marīpu āārīrōgue ejanugāmakū goegoradero āārībú. Dapagorare musā gapure irasū āārībea. Marīpu ĩgū dorerire Moisére pígu, Sinaí wāikudi ūtāugue āārīdi āārīmí. Irasiro irogue ĩgūsā ejanugāburipoe iri ūtāugue peame buru ūjūrō, naītīārō, ĩmikāyebori, mirū buru wējāpuro āārīdero āārībú.

19-20 Irogue puridiru buru busumakū pénerā āārīmá. Puru Marīpu ĩgūsārē werenímakū pénerā āārīmá. Marīpu goero merā āsū ārīdi āārīmí ĩgūsārē: “Iri ūtāūrē ŋapeorānorē ūtāyeri merā dea

wějĕka, o sareri majĩ merã sare wějĕka!” ãrĩdi ããrĩmĩ. “Waimurãdere irasũta irika!” ãrĩdi ããrĩmĩ. Īgũ irasũ ãrĩ werenĩmakũ pérã, gũiri merã Moisére: “Iropata gũare wereburo”, ãrĩ, buru sērēnerã ããrĩmã.

²¹ Moisés ããrĩpererire ãtãũguere goero ããrĩrĩrē ĩãgũ: “Buru gũiri merã naradagũ yãa”, ãrĩdi ããrĩmĩ.

²² Musã gapũ iripoegue marã Sinaĩ wãĩkũdi ãtãũgue ejanugãnerã irirosũ ããrĩbea. Ūmugasigue Marĩpũ ããrĩrõgue Sión wãĩkũdi ãtãũgue mũrĩjarosũ diaye ĩgũ merã werenĩmasĩa. Iroque Marĩpũ okanígũya makã, Jerusalén wãĩkũri makã ããrã. Iroguere Marĩpũre wereboerã wárãgora ããrĩma.

²³ Īgũsã mũyari merã nerērã, Marĩpũre: “Ōãtaria mũ”, ãrĩ bũremuma. Iroque Marĩpũ pũrãde ũmugasima gojadea pũgueta ĩgũsã wãĩrē gojatúsũnerã nerēma. Marĩpũ ããrĩpererã iririre: “I gapũ õãa, i gapũ õãbea”, ãrĩ weregũ ããrĩmĩ. Marĩde ĩgũ merã õãrõ ããrã. Irasirirã iroque marã merã nerērãsũta ããrã. Marĩpũ ĩgũsãrēta ñerĩ opamerã ããrĩmakũ irisiadi ããrĩmĩ.

²⁴ Marĩ Jesũre bũremurã ããrã. Iripoegue Marĩpũ marĩrē: “Ōãrõ irigũra”, ãrĩ werepĩdi ããrĩmĩ. Īgũ irasũ ãrĩ werepĩderosũta Jesũs iridi ããrĩmĩ. Īgũya díre béo boadea merã marĩrē taudi ããrĩmĩ. Iripoeguemu Abel ĩgũya dí bėodeare ĩãgũ, Marĩpũ ĩgũrē wějĕdire wajamoãdi ããrĩmĩ. Jesucristoya dí bėodea gapũre ĩãgũ, marĩrē waja opamerã ããrĩmakũ iridi ããrĩmĩ. Irasiriro Cristo dí bėodea, Abel dí bėodea nemorõ wajakũa.

²⁵ Irasirirã õãrõ pémasĩka! Marĩpũyare weregũre pėdũamerã irirosũ ããrĩbirikõãka! Iripoegue i

nikũm̃ Moisés Marĩp̃yare weremakũ pérã, wárã irire péduabirinerã ããrĩmá. Īgũsã irire péduabiridea waja Marĩp̃ Īgũsãrẽ wajamoãdi ããrĩmí. Īgũsã nemorõ Cristore péduamerã gapure bũro wajamoãgũkumi. Cristo ãmũgasiguem̃ Marĩp̃yare weregũ ããrĩmi.

²⁶ Iripoegue Marĩp̃ Īgũ dorerire Moisére pígu, Īgũ werenírĩ merã níkũ ñomemakũ iridi ããrĩmí. Dapagorare ãsũ ãrĩmi: “Sunũ i níkũ ñomemakũ irigu, suñarõta gajino irinemogũra. I níkũ dita ñomemakũ iribi meta ããrĩgũkoa. Ñmũgasiguedere ñomemakũ irigũra”, ãrĩmi.

²⁷ “Sunũ i níkũ ñomemakũ irigu, suñarõta gajino irinemogũra”, ãrĩgũ: “Ããrĩpereri yũ irideare béogũkoa”, ãrĩgũ yámi. Īgũyarãrẽ doregũ ããrĩrĩ gapure béobirikumi. Irasiriro Īgũ irideare béomakũ, Īgũyarãrẽ doregũ ããrĩrĩ dita dujarokoa.

²⁸ Marĩp̃ Īgũyarãrẽ dorerogue marĩrẽ Īgũ merã ããrĩmakũ irigũkumi. Irasirirã Īgũyarãrẽ doregũ ããrĩrĩrẽ béosũbirimakũ ããrã, Marĩp̃ure: “Mũ merã usũyáa”, ãrĩrõ gããmea. Irasirirã bũremurĩ, goepeyaro merã Īgũyare iritũyaro gããmea. Irasũ irirã, marĩ Īgũrẽ usũyamakũ irirãkoa.

²⁹ Peame ãjũrõ goerosũ Marĩp̃ goero wajamoãgũ ããrĩmi. Irasirirã Īgũrẽ goepeyaro merã bũremurã!

13

Marĩp̃ suyuri ditare iriro gããmea, ãrĩ gojadea

¹ Marĩ Jesucristore bũremurã sugũ pũrã irirosũ ããrã. Irasirirã gãme maĩrĩrẽ neõ piribirikõãka!

2 Mũsã puro ejarãrẽ õãrõ merã mũsãya wi-irigue ñajãridoreka! Iriire kãtibirikõãka! Iripoegue gajirã irasirirã, Marĩpure wereboerãrẽ ãgũsãya wi-igüe ñajãdorenerã ããrĩmã. “Marĩpure wereboerã ããrĩma”, ãrĩmasĩbirinerã ããrĩmã.

3 Peresugue ããrĩãrẽ bopoñarĩ merã gũñaka! ãgũsã merã peresugue ããrĩrã irirosũ péñaka! Gajirã ñerõ tarirãdere bopoñarĩ merã gũñaka! ãgũsã merã mũsãde ñerõ tarirã irirosũ péñaka! Iritamuka ãgũsãrẽ!

4 ããrĩpererã marãpokũrã, marãpokũrã gãme goepeyari merã iãburo. Ũma ãgũsã marãposã nome merã õãrõ ããrĩrikũburo. Nomedede ãgũsã marãpusãmarã merã õãrõ ããrĩrikũburo. Marãpu marĩrã, marãpokũrãde gajirã ũma merã ñerõ irimakũ iãgũ, marãpo marĩrã, marãpokũrãde gajirã nome merã ñerõ irimakũ iãgũ, Marĩpu ãgũsãrẽ wajamoãgakumi.

5 Niyerure maĩbirikõãka! Mũsã opari merã usuyaka! Marĩpu ãsũ ãrĩdi ããrĩmĩ: “Mũsãrẽ neõ béobirikoa. Mũsã merã ããrĩnĩgũkoa mũsãrẽ iritamubu”, ãrĩdi ããrĩmĩ.

6 Irasirirã gũñaturari merã ãsũ ãrĩ masĩa:

Marĩ Opũ yũre iritamugũ ããrĩmi. Neõ sugũ masakũ yũre ñerõ iridũarire gũibeã, ãrĩ masĩa.*

7 Mũsãrẽ õãrõ siu, Marĩpũya kerere werenerãrẽ gũñaka! ãgũsã okaro bokatĩũrõ õãrõ ããrĩrikũdeare gũñaka! Irasũ gũñarã, Jesucristore ãgũsã bũremuderosũta mũsãde bũremuka!

* 13:6 Sal 56.3-4, 9-11; 118.6

⁸ Jesucristo marĩrẽ iritamugũ, neõ gorawayu-birikumi. Iripoegue, dapagoradere, pũruguedere ãgũ ããrĩderosũta ããrĩnĩkõãgukumi.

⁹ Gajirã gajirosũ buerire pẽnemobirikõãka, Marĩpũya diayema buerire béori, ãrĩrã! Ìgũsã marĩrẽ: “Ire baaka! I gapũre baabirikõãka!” ãrĩ buemoãmakõãma. Iri buerire tũyamakũ marĩrẽ iritamubea. Marĩpũyare marĩrẽ gũñaturamakũ iribeaa. Marĩpũ dita ãgũ marĩrẽ maĩrĩ merã marĩrẽ gũñaturamakũ yámi.

¹⁰ Iripoegue Marĩpũya wiigue paía waimũrãrẽ wẽjẽ soepeonerã ããrĩmá. Irasirikererã, iri merã masakare ãgũsã ñerõ iridea wajare neõ taumasĩbirinerã ããrĩmá. Jesucristo gapũ ãgũ boari merã marĩ ñerõ iridea wajare taudi ããrĩmĩ.

¹¹ Paía opũ waimũrã wẽjẽ, Marĩpũ ããrĩrĩ taribugorague ãgũsãya díre ãĩ ñajãdi ããrĩmĩ. Iroguẽ Marĩpũre masaka ãgũsã ñerõ iridea wajare: “Béoka!” ãrĩ sãrẽbosadi ããrĩmĩ. Ìgũ wẽjẽnerã waimũrãya ðũpũri gapũre makã tũroguẽ soebéokõãdi ããrĩmĩ.

¹² Irire iriderosũta Jesúdere makã tũroguẽ wẽjẽbéonerã ããrĩmá. Irasirikeremakũ, ãgũya dí béori merã marĩrẽ waja opamerã ããrĩmakũ iridi ããrĩmĩ.

¹³ Jesús makã tũroguẽ curusague boari: “Gũyasĩũgoráa”, ãrĩsũdero ããrĩbũ. Ìgũ boamakũ, masaka ãgũrẽ turi, bũridanerã ããrĩmá. Ìgũrẽ irasiriderosũta masaka marĩdere turi, bũridakeremakũ, piriro marĩrõ ãgũrẽ tũyaro gããmea.

¹⁴ I nikũgue marĩ ããrĩburi makã máa. Gaji makã,

marĩ pũrugue ããrĩburi makãrẽ ãmũgasima makãrẽ yũrã yãa.

¹⁵ Irasirirã Jesucristo iritamurĩ merã Marĩpũre bũremurã, iro dupiyuro ãgũrẽ gajino sũnaderosũ, dapagorague ãgũrẽ ãsũyari sũnikõãrã! ãgũrẽ: “Гварũ, õãtarigũ ããrã”, ãrĩ bũremurã!

¹⁶ Gajirãrẽ õãrõ irika! Mũsã oparire opamerãrẽ guereka! Irire kãtibirikõãka! Mũsã irasirirã, Marĩpũre sũrã irirosũ irirãkoa. ãgũrẽ ãsũyamakũ irirãkoa.

¹⁷ Mũsã oparãrẽ õãrõ pẽka! ãgũsã dorerire bũremurĩ merã iritũyaka! Marĩpũ pĩdi ããrĩmĩ, ãgũsãrẽ mũsãrẽ õãrõ koredoregũ. Irasirirã mũsãrẽ ãgũyare õãrõ buenikõãma, ãgũrẽ bũremurĩrẽ piribirikõãburo, ãrĩrã. Pũrugue Marĩpũ ãgũsãrẽ: “Wereka yũre! ¿Naásũ bueri?” ãrĩ sũrẽñamakũ, ãgũrẽ yũjũrãkuma. Irire masĩsã, õãrõ buedũama. Irasirirã ãgũsã buerire mũsã õãrõ pẽmakũ, ãsũyari merã moãrãkuma. Mũsã pẽbirimakũ gapũ bũjawererãkuma. Mũsã ãgũsãrẽ tarinũgãrã, õãrõ ããrĩrikũbirikoa.

¹⁸ Mũsã Marĩpũre sũrẽrã, gũaya ããrĩburire sũrẽbosanĩka! Gũa õãrĩ ditare iridũãã. Marĩpũ ãũrõ: “Õãrĩrẽ irirã, waja opamerã ããrã”, ãrĩ pẽñãã.

¹⁹ Yũre Marĩpũre sũrẽbosarã, ãsũ ãrĩ sũrẽka: “Mũrõgã pũrũta ãgũ gũa pũrogue dupaturi aariburire ãmuka!” ãrĩ sũrẽka!

Õãdoretũnudea

²⁰ Marĩpũ marĩrẽ ãgũ merã õãrõ siñajãrĩ sũgũ marĩ Opũ Jesucristo boadiguere masũdi ããrĩmĩ. Jesucristo ovejare korerimasũ irirosũ marĩrẽ õãrõ koregũ ããrĩmi. Iripoegue Marĩpũ marĩrẽ: “Õãrõ

irigura”, ãrĩ werepídi ããrĩmí. Ĩgũ werepídeare Jesús boagũ ĩgũya dí béodea merã marĩrẽ iriyuwarikũdi ããrĩmí. Irire neõ béobirikumi.

²¹ Irasirigũ Marĩpũ mũsãrẽ iritamuníkõãburo. Iri iritamunírĩ merã ããrĩpereri õãrĩrẽ, ĩgũ gããmerĩ ditare irimakũ iriburo. Ĩgũ gããmerõsũta Jesucristo merã marĩ ããrĩpererãrẽ irasiriburo. Irasirirã Cristore: “Õãtaria mũ”, ãrĩ bũremuníkõãrã! Irasũta irirã!

²² Yaarã, i pũgue yũ mũsãrẽ: “Ãsũ irika!” ãrĩ gojarire õãrõ merã péka! Yũ mũsãrẽ wárigora gojabodi ããrĩkeregũ, mérĩgã were gojabũ. Irasirirã irire õãrõ bueka!

²³ Idere mũsãrẽ weregura. Marĩyagu Timoteore peresugue ããrãdire wiuañurã. Dapagorare ĩgũ aarimakũ, yũ ĩgũ merã mũsãrẽ ĩãgũ waagura.

²⁴ Mũsã oparãrẽ, gajirã Jesucristore bũremurãrẽ ããrĩpererã iro ããrĩrãrẽ õãdorea gũa. Gũa merãmarã Italia marã mũsãrẽ õãdorema.

²⁵ Marĩpũ mũsã ããrĩpererãrẽ õãrõ iritamuburo. Irasũta iriburo.

Iropata ããrã.

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
1a0774e8-d152-5929-891b-95e0d2238786